

本

州

綱

目

本草綱目獸部第五十一卷下

獸之二

狐

別錄
下品

釋名

時珍曰：埤雅云：狐，狐也。狐性疑疑，則不可以合類。故其字從孤，或云：狐知虛實，以虛擊實。

實卽孤也，故從孤亦通。

集解

弘景曰：江東無狐，狐出北方及益州，形似狸而黃善爲魅。恭曰：形似小黃狗，鼻尖尾大，全

不似狸。恭曰：今江南時有之，汴洛尤多，性多疑，審聽故捕者多用置。時珍曰：南北皆有，北方最多，有

黃黑白三種，白色者尤稀，尾有白錢文者，佳。日伏穴，夜出竊食，聲如嬰兒氣，極燥烈，毛皮可爲裘腋。

毛純白，謂之狐白。許慎云：妖獸，鬼所乘也。有三德：其色中和，小前大後，死則首丘，或云：狐知上伏不

度阡陌或云狐善聽冰或云狐有媚珠或云狐至

百歲禮北斗變爲男婦以惑人又能擊尾以出火

或云狐魅畏狗千年老狐以千年枯木燃照則見

眞形或云犀角置穴狐不敢歸山海經云青丘之

山有狐九尾能食人食之不盡鼎曰狐媚見人或

又手有禮或祇揖無度或靜處獨語或裸形見人

肉氣味甘温無毒洗曰有小毒禮記云主治同腸

作耀食治瘡疥久不瘥蘇恭煮炙食補虛損及五臟

邪氣患蠱毒寒熱者宜多食之孟詵作膾生食暖中

去風補虛勞蘇頌

附方舊狐肉羹治驚病恍惚語言錯謬歌笑無度

肉一斤及五臟及五臟積冷蠱毒寒熱諸病用狐

作粥食京中以羊骨汁鯽魚代豉汁亦妙心鏡

肉一斤及五臟治驚病恍惚語言錯謬歌笑無度

作粥食京中以羊骨汁鯽魚代豉汁亦妙心鏡

肉一斤及五臟治驚病恍惚語言錯謬歌笑無度

作粥食京中以羊骨汁鯽魚代豉汁亦妙心鏡

五臟及腸肚氣味苦微寒有毒主治蠱毒寒熱小

兒驚癇別錄補虛勞隨臟而補治惡瘡疥生食治狐

魅日華作羹臠治大人見鬼孟詵○肝燒灰治風癩及

破傷風口緊搐強時珍○古方治諸風驚癇有狐

方治破傷中風金烏散中並用之

附方新勞瘧瘴瘧野狐肝一具陰乾重五日五更初北斗下受氣為末粳米作丸

綠豆大每以一丸緋帛裏繫鬼瘧寒熱野狐肝臄

手中指男左女右聖惠內陰乾阿魏一分為末醋糊丸芡子大發時男左女右把一丸嗅之仍以緋帛包一丸繫手中指

聖中惡蠱毒臘月狐腸燒末水牛病疫疾恭曰狐

水灌之
勝瀨也

膽臘月
收之

〔主治〕人卒暴亡即取雄狐膽溫水研灌入

喉即活移時者無及矣

蘇頌○出續傳信方

辟邪瘧解酒毒

時珍○萬畢術云狐血漬黍令人不醉高誘註云以狐血漬黍米麥薷冬陰乾為丸飲時以一丸置

舌下含之令人不醉也

〔附方〕

新狐膽丸

治邪瘧發作無時狐膽一箇硃砂

粉各一分為末五月五日午時粽子尖和丸梧子大空心及發前冷醋湯服二丸忌熱物 聖惠方

陰莖氣味甘微寒有毒

思邈曰有小毒

〔主治〕女子絕產陰

中癢小兒陰癩卵腫

別錄

婦人陰脫

時珍

附方

一新

小兒陰腫

狐陰莖炙爲末空心酒服 千金方

頭主治燒之辟邪同狸頭燒灰傅瘰癧

時珍○ 千金

目主治破傷中風

時珍

發明

時珍曰狐目治破傷風方見劉氏保壽堂方云神效無比臘月收取狐目陰乾臨時用二

目一副炭火微燒存性研末無灰酒服之又淮南萬畢術云狐目狸腦鼠去其穴謂塗穴辟鼠也

鼻主治狐魅病同豹鼻煮食

時珍

唇主治惡刺入肉杵爛入鹽封之

聖惠

口中涎液主治入媚藥

嘉謨曰取法小口瓶盛肉置狐常行處狐爪不得徘徊

徊于上涎入瓶中乃收之也

四足主治痔漏下血

時珍

附方

一新

痔漏

反花瀉血者用狐手足一副陰乾穿山甲蝟皮各三兩黃明膠白附子五

靈脂蜀烏頭川芎藟乳香各二兩剉細入砂鍋內固濟候乾炭火煨紅爲末入木香末一兩以芫荽煎酒調下二錢日三服屢效 永類鈴方

尾主治辟邪魅

時珍

皮主治燒灰辟惡

日華○頭尾燒灰治牛疫和水灌之

雄狐屎

恭曰在竹木及石上尖頭者是也

主治燒之辟惡

別錄

去瘰

疫氣

蘇恭

治肝氣心痛顏色蒼蒼如死灰喉如喘息

者以二升燒灰和薑黃三兩搗末空腹酒下方寸

七日再甚效

蘇頌○出崔元亮海上方

療惡刺入肉燒臘月豬

脂封之

千金

附方

新舊

鬼瘡寒熱

雄狐屎蠅屎各一分爲末醋糊丸茨子大發時男左女

右手把丸嗅之

一切惡瘻

乾末食前新汲水下錢匕

日二服

貉

音鶴

校正

原係獠下今分出

釋名

時珍曰按字說云貉與獾同穴各處故字從各說文作貉亦作貉爾雅貉子曰貉音陌其

雌曰貉音惱原本以貉作獾者訛矣

集解

宗奭曰貉形如小狐毛黃褐色時珍曰貉生山野間狀如狸頭銳鼻尖斑色其毛深厚温

滑可爲裘服與獾同穴而異處日伏夜出捕食蟲
物出則獾隨之其性好睡人或蓄之以竹叩醒已
而復寐故人好睡者謂之貉睡俗作渴睡謬矣俚
人又言其非好睡乃耳聾也故見人乃知趨走考
工記云貉踰汶則死土氣使然也王浚川言北曰
狐南曰貉星禽書言氏土貉是千歲獨狐化成者
也並非

肉氣味甘温無毒主治元臟虛勞及女子虛憊

蘇頌

獾

音端○唐本草

釋名獾狨

藏器

豬獾

時珍曰獾團也其狀團肥也爾雅云獾子曰獾其足蹠其跡瓜

蹠足掌也瓜指頭跡也

集解

頌曰獾似犬而矮尖喙黑足褐色與獾貉三種大抵相類而頭足小別郭璞註爾雅云獾

一名獾以爲一物然方書說其形狀差別也宗奭曰獾肥矮毛微灰色頭連脊毛一道黑短尾尖嘴而黑蒸食極美時珍曰獾卽今豬獾也處處山野閒有之穴居狀似小豬狔形體肥而行鈍其耳聾見人乃走短足短尾尖喙禡毛能孔地食蟲蟻瓜果其肉帶土氣皮毛不如狗獾蘇頌所註乃狗獾非獾也郭璞謂獾卽獾亦誤也

肉氣味甘酸平無毒 主治水脹久不瘥垂死者作

羹食之下水大效 蘇恭○聖惠用粳米葱豉作粥食 服丹石動熱

下痢赤白久不瘥煮肉露一宿空腹和醬食一頓

卽瘥瘦人煮和五味食長肌肉 孟詵○宗奭曰野獸中惟獾肉最甘

美益瘦人 **治上氣虛乏欬逆勞熱和五味煮食** 吳瑞

膏主治蜚蠊蠱毒胸中哽噎怵怵如蟲行欬血以

酒和服或吐或自消也崔行功

胞主治蠱毒以臘月乾者湯摩如雞子許空腹服

之唐本草

骨主治上氣欬嗽多研酒服三合日二取瘥孟詵

獾食物

釋名狗獾音歡天狗時珍曰獾又作貍亦狀其肥鈍之貌蜀人呼為天狗

集解汪穎曰狗獾處處山野有之穴土而居形如家狗而腳短食果實有數種相似其肉味甚

甘美皮可為裘時珍曰獾狗獾也獾狗獾也二種相似而畧殊狗獾似小獾而肥尖喙矮足短尾深

毛褐色皮可爲裘領亦食蟲蟻瓜果又遼東女直地面有海獺皮可供衣裘亦此類也

肉氣味甘酸平無毒**主治**補中益氣宜人汪穎小兒

疴瘦殺蝟蟲宜噉之蘇頌**功與獠同**時珍

木狗綱目

集解時珍曰按熊太古冀越集云木狗生廣東左右江山中形如黑狗能登木其皮爲衣褥能

運動血氣元世祖有足疾取以爲袴人遂貴重之此前所未聞也珍嘗聞蜀人言川西有玄豹大如狗黑色尾亦如狗其皮作裘褥甚暖冬月遠行用其皮包肉食數日猶溫彼土亦珍貴之此亦木狗之屬也故附見于此云

皮主治除脚痺風溼氣活血脈暖腰膝時珍

豺

音儕○唐本草

釋名豺狗

時珍曰按字說云豺能勝其類又知祭獸可謂才矣故字從才埤雅云豺柴也

俗名體瘦如豺是矣

集解

時珍曰豺處處山中有之狼屬也俗名豺狗其形似狗而頗白前矮後高而長尾其體細

瘦而健猛其毛黃褐色而鬃鬣其牙如錐而噬物羣行虎亦畏之又喜食羊其聲如犬人惡之以爲引魅不祥其氣臊臭可惡羅願云世傳狗爲豺之舅見狗輒跪亦相制耳

肉氣味酸熱有毒

說曰豺肉食之損人精神消人脂肉令人瘦

皮氣味熱主治冷痺軟脚氣熟之以纏裹病上卽

瘥

蘇恭療諸疖痢腹中諸瘡煮汁飲或燒灰酒服之

亦可傅蠶齒瘡

孟詵又曰燒灰和酒灌解槽牛馬便馴良附人

治小兒夜

啼百法不效同狼屎中骨燒灰等分水服少許卽

定

時珍○出總錄

狼

拾遺

釋名毛狗

時珍曰禽書云狼逐食能倒立先卜所向獸之良者也故字從良爾雅云牡曰

獾牝曰狼其子曰獾音叫

集解

藏器曰狼大如狗蒼色鳴聲則諸孔皆沸時珍曰狼豺屬也處處有之北方尤多喜食之

南人呼爲毛狗是矣其居有穴其形大如犬而銳頭尖喙白頰駢脇高前廣後腳不甚高能食雞鳴

鼠物其色雜黃黑亦有蒼灰色者其聲能大能小能作兒啼以魅人野狸尤惡其冬鳴其腸直故鳴

則後竅皆沸而糞爲烽烟直上不斜其性善顧而食戾踐藉老則其胡如袋所以跋胡蹙尾進退兩患其象上應奎星穎曰狼足前短能知食所在狼足後短負之而行故曰狼狼

狼筋

藏器曰狼筋如織絡袋子又若筋膠所作大小如鴨卵人有犯盜者熏之卽脚攣縮因之

獲賊也或言是狼胫下筋又言是蟲所作未知孰是時珍曰按李石續博物志云唐時有狼巾一作狼筋狀如大蝸兩頭光帶黃色有段祐失金帛集奴婢於庭焚之一婢臉潤乃竊器者此卽陳氏所謂狼筋也愚謂其事蓋術者所爲未必實有是理而羅氏爾雅翼解爲狼胫中筋大於雞卵謬矣

肉氣味 鹹熱無毒

味勝狐犬

主治 補益五臟厚腸胃填

骨髓腹有冷積者宜食之

時珍○出飲膳正要

膏主治 補中益氣潤燥澤皴塗諸惡瘡

時珍

發明

時珍曰臘月煉淨收之禮記云小切狼臠膏與稻米爲飽謂以狼胸臆中膏和米作粥糜也古人多食狼肉以膏煎和飲食故內則食狼去腸周禮獸人冬獻狼取其膏聚也諸方亦時用狼之鬚牙皮糞而本草並不著其功用止有陳藏器述狼筋疑似一說可謂缺矣今通據飲膳正要諸書補之云

牙主治佩之辟邪惡氣刮末水服治獠犬傷燒灰

水服方寸匕治食牛中毒

時珍○出小品諸方

喉靨主治噎病日乾爲末每以半錢入飯內食之

妙

聖惠

皮主治暖人辟邪惡氣○嗑下皮搓作條勒頭能

去風止痛

正要○淮南子萬畢術云狼皮當戶羊不敢出

尾主治繫馬胸前辟邪氣令馬不驚

正要

屎主治瘰癧燒灰油調封之又治骨哽不下燒灰

水服之

時珍○出外臺千金方

屎中骨主治小兒夜啼燒灰水服二黍米大卽定

又能斷酒

千金

附方一破傷風

新狼虎穿腸骨四錢炙黃桑花蟬蛻各二錢爲末每服一錢米湯調下

若口乾者不治 經驗方

兔

別錄中品

釋名明眇

時珍曰按魏子才六書精要云兔字篆文象形一云吐而生子故曰兔禮記謂

之明眇言其目不瞬而瞭然也說文兔子曰媿音

萬狡兔曰媿音俊曰媿音讒梵書謂兔爲舍迦

集解

頌曰兔處處有之爲食品之上味時珍曰按

短耳大而銳上唇缺而無脾長鬚而前足短尻有

九孔跌宕居趨捷善走舐雄豪而孕五月而吐子其

大者爲彘音綽似兔而大青色首與兔同足與鹿

同故字象形或謂兔無雄而中秋望月中顧兔以

孕者不經之說也今雄兔有二卵古樂府有雄兔

腳撲速雌兔眼迷離可破其疑矣主物簿云孕環

之兔懷於左腋毛有文采至百五十年環轉於腦

能隱形也王廷相雅述云兔以潦爲鼈鼈以旱爲

兔熒惑不明

則雉生兔

肉氣味辛平無毒

說曰酸冷時珍曰甘寒按內則云食兔去尻不利人也風俗通

云食免髓多令人面生髓骨引景曰兔肉爲羹益人妊娠不可食令子缺唇不可合白雞肉及肝心食令人面黃合獾肉食令人病遁尸與薑橘同食令人心痛霍亂又不可同芥食藏器曰兔屎有孔子從口出故妊婦忌之非獨爲缺唇也大抵久食絕人血脈損元氣陽事令人痿黃八月至十月可食餘月傷人神氣兔

主治補中益氣別熱氣溼痹

死而眼合者殺人

止渴健脾炙食壓丹石毒臘月作醬食去小兒

豌豆瘡藥性涼血解熱毒利大腸時珍

發明

宗奭曰兔者明月之精有白毛者得金之氣入藥尤效凡兔至秋深時可食金氣全也至

春夏則味變矣然作醬必用五味既患豌豆瘡又食此物發毒太甚恐斑爛損人時珍曰兔至冬月斲木皮已得金氣而氣內實故味美至春食草麥而金氣衰故不美也今俗以飼小兒云令出痘稀

蓋亦因其性寒而解熱耳故又能治消渴壓丹石
毒若痘已出及虛寒者宜戒之劉純治例云反胃
結腸甚者難治常食兔肉則便
自行又可證其性之寒利矣

附方

一舊

消渴羸瘦

用兔一隻去皮爪五臟以水一
斗半煎稠去滓澄冷渴卽飲之

極重者不過二兔

崔元亮海上方

血氣味鹹寒無毒主治涼血活血解胎中熱毒催

生易產

時珍

附方

六新

蟾宮丸

乾坤秘韞治小兒胎毒遇風寒卽
發痘疹服此可免雖出亦稀用兔

二隻臘月八日刺血於漆盤內以細麩炒熟和丸

綠豆大每服三十丸綠豆湯下每一兒食一劑永

安甚效○楊氏經驗方加**兔血丸**小兒服之終身

硃砂三錢酒下名兔砂丸

亦稀少臘月八日取生兔一隻刺血和蕎麥麩少

加雄黃四五分候乾丸如綠豆大初生小兒以乳

汁送下二三丸遍身發出紅點是其徵驗也但催

兒長成常以兔肉啖之尤妙劉氏保壽堂方

生丹 治產難臘月兔血以蒸餅染之紙裏陰

痛 瑞竹堂方用臘兔血和茶末四兩乳香末二兩

子大每白湯下二十一丸

腦主治塗凍瘡 別錄 **催生滑胎** 時珍 **同髓治耳聾** 蘇恭

附方 舊二 **催生散** 用臘月兔腦髓一箇攤紙上夾

字一箇候母痛極時用釵股夾定燈 **催生丹** 臘月

上燒灰煎丁香酒調下博濟方 **催生丹** 臘月

腦髓一箇塗紙上吹乾入通明乳香末二兩同研

令勻於臘日前夜安桌子上露星月下設茶果齋

戒焚香望北拜告曰大道弟子某修合救世上難
生婦人藥願降威靈佑助此藥速令生產禱畢以
紙包藥露一夜天未明時以豬肉搗和丸芡子大
紙袋盛懸透風處每服一丸溫醋湯下良久未下
更用冷酒下一丸卽瘥
乃神仙方也
經方
手足皸裂
用兔腦髓生
聖惠發
腦發背
及癰疽熱癩惡瘡用臘月兔頭搗爛入瓶
內密封惟久愈佳每用塗帛上厚封之熱
痛卽如水也頻換
取瘥乃止
勝金

骨主治熱中消渴煮汁服
別錄云頌曰崔元亮海
上方治消渴羸瘦小便

不禁兔骨和大麥
苗煮汁服極效
煮汁服止霍亂吐利
時珍云外
臺用之

治鬼疰瘡疥刺風
日華藏器曰
醋磨塗久疥妙

頭骨
臘月收之
氣味甘酸平無毒
主治頭眩痛癩疾
別錄

連皮毛燒存性米飲服方寸匕治天行嘔吐不止

以瘥爲度

蘇頌○出必效方

連毛燒灰酒服治產難下胎及產後餘血不下

日華

○陸氏用葱湯下

燒末傅婦人產後陰脫癰疽惡瘡水服

治小兒疳痢煮汁服治消渴不止

時珍

附方

舊一

預解痘毒

十二月取兔頭煎湯浴小兒涼熱去毒令出痘稀飲膳

正產後腹痛

兔頭炙熱摩之即定必效

肝主治目暗

別錄明目補勞治頭旋眼眩

丸服甚明目

切洗生食如羊肝法治丹石毒發上衝目

暗不見物

孟誥

發明

時珍曰按劉守真云兔肝明目因其氣有餘以補不足也眼科書云兔肝能瀉肝熱蓋兔

目瞭而性冷故也

附方

一新

風熱目暗

肝腎氣虛風熱上攻目腫暗用兔肝一具米三合和豉汁如常

煮粥食

普濟

皮毛

臘月收之

主治燒灰酒服方寸匕治產難及胞衣

不出餘血搶心脹刺欲死者極驗

蘇恭

煎湯洗豌豆

瘡

藥性頭皮灰主鼠瘻及鬼疰毒氣在皮中如鍼刺

者毛灰主灸瘡不癢

藏器

皮灰治婦人帶下毛灰治

小便不利餘見敗筆下

時珍

附方

舊一

婦人帶下

兔皮

燒煙盡為末

酒服方

火

燒成瘡

兔腹下白毛貼之候毛落即瘥

百一方

屎

臘月收之

釋名明月砂

聖惠

翫月砂

集驗

兔草

炮炙論

主治

目中浮翳勞瘵五疳疔瘡痔瘻殺蟲解毒

時珍

發明

時珍曰兔屎能解毒殺蟲故治目疾疳瘵瘡漏也按沈存中良方云江陰萬融病勞四體如焚

寒熱煩躁一夜夢一人腹擁一月光明使人心骨

皆寒及寤而孫元規使人遺藥服之遂平扣之則明月丹也乃悟所夢

附方

舊二

明月丹

治勞瘵追蟲用兔屎四十九粒新玉砂如兔屎大四十九粒為末

生蜜丸梧子大月望前以水浸甘草一夜五更初
取汁送下七丸有蟲下急鉗入油鍋內煎殺三日

不下再服○**五疔下痢**燒灰為末綿裹如蓮子大
蘇沈良方

納下部日三易**大小便秘**明月砂一匙安臍中冷
之聖惠方

聖**痔瘡下蟲**不止者用翫月砂慢火炒黃為末每
惠服二錢入乳香五分空心溫酒下日

也三服即免糞**月蝕耳瘡**望夜取兔屎納蝦蟇腹
集驗方

瘡入目生醫用兔屎日乾為末每服**痘後目翳**直
一錢茶下即安普濟方

山中東西地上下許回顧尋兔屎二七粒以雌雄
檳榔各一枚同磨不落地井水調服百無一失其

效如神蘭氏經驗方

敗筆唐本草

敗筆

大... 敗筆

本草綱目醫部

集解時珍曰上古殺青書竹帛至蒙恬以兔毫作筆後世復以羊鼠諸毛爲之惟兔毫入藥用

筆頭灰氣味微寒無毒主治水服治小便不通小

便數難淋漓陰腫脫肛中惡唐本酒服二錢治男子

交婚之夕莖萎藥性酒服二錢治難產漿飲服二錢

治咽喉痛不下飲食時珍曰出

發明時珍曰筆不用新而用敗者取其沾濡膠墨也膠墨能利小便胎產故耳

附方舊二小便不通數而微腫用陳久筆頭心痛

不止敗筆頭三箇燒灰無根難產催生勝金方聖

用敗筆頭一枚燒灰研生藕汁一盞調下立產若母虛弱及素有冷疾者溫汁服之陸氏治難產

第一方用兔毫筆頭三箇燒
灰金箔三片以蠟和丸酒服

山獼

綱目

集解

時珍曰山獼出廣之宜州嶼峒及南丹州土

皆避去獼無偶則抱木而枯猺女春時成羣入山
以采物爲事獼聞婦人氣必躍來抱之次骨而入
牢不可脫因扼殺之負歸取其陰一枚直金一兩
若得抱木死者尤奇貴峒獼甚珍重之私貨出界
者罪至死然本地亦不常有方士多以鼠璞猴胎
僞之試之之法但令婦人摩手極熱取置掌心以
氣呵之卽趯然而動蓋陰氣所感也此說出范石
湖虞衡志周草窗齊東野語中而不載其形狀亦
缺文也

陰莖氣味甘熱無毒主治陽虛陰痿精寒而清者

本草綱目狀部 卷之二十一 敗筆 山獼

酒磨少許服之療人以為補助要藥

時珍

骨主治 解藥箭毒研少許敷之立消

時珍

水獺

別錄 下品

釋名 水狗

時珍曰王氏字說云正月十月獺兩祭魚知報本反始獸之多賴者其形似狗

故字從犬從賴小者曰獺音賓曰獺音編又桓譚鹽鐵論以獨為獺羣為獺如獫之與獨也

集解

弘景曰獺多出溪岸邊有兩種入藥惟取以魚祭天者一種獺形大而頸如馬身似蝙蝠

蝠不入藥用頰曰江湖多有之四足俱短頭與身

尾皆編毛色若故紫帛大者身與尾長三尺餘食

魚居水中亦休木上嘗糜置大水甕中在內旋轉

如風水皆成旋渦西戎以其皮飾毳服領袖云垢

不著染如風霾瞽目但就拭之即去也時珍曰獺

狀似青狐而小毛色青黑似狗膚如伏翼長尾四

原书缺页

原书缺页

日再服之葛洪云尸疰鬼疰乃五尸之一又挾諸鬼邪爲害其病變動乃有三十六種至九十九種大畧使人寒熱沉沉默默不知病之所苦而無處不惡積月累年淹滯至死死後傳之乃至滅門覺有此候惟以癩肝一具陰乾爲末水服方寸匕日三以瘥爲度時珍曰按朝野僉載云五月五日午時急砍一竹竹節中必有神水瀝取和癩肝爲丸治心腹積聚病甚效也

附方

新舊二

鬼魅

癩肝末水服方寸

千金翼

腸痔

有血癩肝燒末水服

一錢

肘後方

下血

不止用癩肝一副煮熟入

五味食之妙

飲膳正要

腎氣味

同

主治益男子

蘇頌

膽氣味苦寒無毒主治眼翳黑花飛蠅上下視物

不明入點藥中

蘇頌

正誤

宗奭曰古語云蟾肪軟玉獺肝分盃謂以膽塗竹刀或犀角篋上畫酒中卽分也嘗試之

不驗蓋妄傳耳但塗盃唇使酒稍高于盃面耳不可不正之

附方

新月水不通

獺肝丸用乾獺膽一枚乾狗膽一兩砂川椒炒去汗目各一分水

蛭炒黃十枚爲末醋糊丸綠豆大每服五丸當歸酒下日一服聖惠方

髓主治去癩痕

時珍

發明

時珍曰按集異記云吳主鄧夫人爲如意傷頰血流啼叫太醫云得白獺髓雜玉與琥珀

傅之當滅此痕遂以百金購得白獺合膏而痊但琥珀太多猶有赤點如痣

骨主治含之下魚骨鯁

陶弘景

煮汁服治嘔噦不止

藥性

足主治手足皴裂蘇恭煮汁服治魚骨鯁并以爪爬

喉下

藏器

爲末酒服殺勞瘵蟲

時珍

皮毛主治煮汁服治水瘡病亦作褥及履屨著之

藏器

產母帶之易產

張傑

屎主治魚臍瘡研末水和敷之卽膿出痛止

藏器曰亦

主驢馬蟲類及牛疫疾研水灌之

治下痢燒末清旦飲服一小盞

三服愈赤用赤糞白用白糞

時珍○出古今錄驗

海獺

拾遺

集解

藏器曰海獺生海中似獺而大如犬腳下有皮如豚拊毛著水不濡人亦食其肉海中又

本草綱目

卷五十一

海獺

七

有海牛海馬海驢等皮毛在陸地皆侯風潮猶能
毛起說出博物志時珍曰大獾小獾此亦獾也今
人以其皮爲風領云亞于貂焉如涇注博物志云
海獾頭如馬自腰以下似蝙蝠其毛似獾大者五
六十斤亦可烹食

膾腩獸

上烏忽切下女骨切
○宋開寶附

釋名骨腩

說文作腩與腩同

海狗

時珍曰唐韻膾腩肥貌或作骨腩訛爲骨腩皆

番言也

集解

藏器曰骨腩獸生西番突厥國胡人呼爲阿

赤色如爛骨甄權曰膾腩膾是新羅國海內狗外
腎也連而取之李珣曰按臨海志云出東海水中
狀若鹿形頭似狗長尾每日出卽浮在水面崑崙
家以弓矢射之取其外腎陰乾百日味甘香美也

頌曰今東海旁亦有之舊說似狐長尾今滄州所
圖乃是魚類而豕首兩足其臍紅紫色上有紫斑
點全不相類醫家多用之異魚圖云試其臍于臘
月衝風處置盂水浸之不凍者爲真也教曰臍
臍多僞者海中有獸號曰水烏龍海人取其腎以
充臍臍其物自別真者有一對則兩重薄皮裹
丸核其皮上自有肉黃毛一穴三莖收之器中年
年溼潤如新或置睡犬頭上其犬忽驚跳若狂者
爲真也宗奭曰今出登萊州其狀非狗非獸亦非
魚也但前腳似獸而尾卽魚身有短密淡青白毛
毛上有深青黑點久則亦淡腹脇下全白色皮厚
韌如牛皮邊將多取以飾鞍韉其臍治腹臍積冷
衰脾腎勞極有功不待別試也似狐長尾之說今
人多不識之時珍曰按唐書云骨狃獸出遼西營
州及結骨國一統志云臍臍出女直及三佛齊
國獸似狐腳高如犬走如飛取其腎漬油名臍
臍觀此則似狐之說非無也蓋似狐似鹿者其毛
色爾似狗者其足形也似魚者其尾形也入藥用

外腎而曰臍者連臍取之也又異物志納獸出朝
鮮似狸蒼黑色無前兩足能捕鼠郭璞云晉時召
陵扶夷縣獲一獸似狗豹文有角兩脚據此則豹
有水陸二種而藏器所謂似狐長尾者其此類與

臍納臍一名海狗腎脩治
數日用酒浸一日紙裹
炙香剉搗或於銀器中

以酒煎熟合藥時珍曰以
漢椒樟腦同收則不壞**氣味鹹大熱無毒**
李珣曰味

甘香美
大温**主治鬼氣尸疰夢與鬼交鬼魅狐魅心腹**

痛中惡邪氣宿血結塊疰癖羸瘦
藏器**治男子宿癥**

氣塊積冷勞氣腎精衰損多色成勞瘦悴
藥性**補中**

益腎氣暖腰膝助陽氣破癥結療驚狂癘疾
日華**五**

勞七傷陰痿少力腎虛背膊勞悶面黑精冷最良

海藥

發明

時珍曰和劑局方治諸虛損有膈臍丸今

也大抵與菴蓉瑣陽之功相近亦可同糯米法麪釀酒服

狷

音滑
炮炙論

集解

水曰海中有獸名曰狷其髓入油中油即沾

于屋下收故曰水中生火非狷髓而莫能時珍曰此獸之髓水中生火與樟腦相同其功亦當與樟

腦相似也第
今無識之者

○獸之三

鼠類一十二種

鼠

別錄
下品

校正

舊在蟲魚部今據爾雅移入獸部

釋名

鼯鼠

音

老鼠

綱

首鼠

史

家鹿

時

珍曰

此卽人

也

尖喙善穴故南陽人謂之鼯鼠其壽最長故俗稱

謂爲家鹿鼠字篆文象其頭齒腹尾之形

集解

弘景曰入藥用牡鼠卽父鼠也其膽纔死便

消不易得也時珍曰鼠形似兔而小青黑色

有四齒而無牙長鬚露眼前爪四後爪五尾文如

織而無毛長與身等五臟俱全肝有七葉膽在肝

之短葉間大如黃豆正白色胎而不垂衛生家寶

方言其膽紅者何耶鼠孕一月而生多者六七

子惠州獠民取初生閉目未有毛者以蜜養之用

獻親貴挾而食之聲猶唧唧謂之蜜唧淮南子云

魚食巴豆而死鼠食巴豆而肥段成式云鼠食鹽

而身輕食砒而卽死易云艮爲鼠春秋運斗樞云

玉樞星散而爲鼠抱朴子云鼠壽三百歲善憑人

而卜名曰仲能知一年中吉凶及千里外事鼠類

頗繁爾雅說文所載後世未能悉知後世所知者二書復未盡載可見格物無窮也

附錄

鼯鼠

音廷漢武帝曾獲得以問終軍者

鼯鼠

音平

許慎云一名鼯

鼯鼠

音離艾孫恂云小鼠也相銜

而小

鼠音含斑文

鼯鼠

而相銜

李時珍云按秦記及草

木子皆載羣鼠數萬相銜

鼯鼠

音劬精似鼠而小

而小

而行以為鼠妖者即此也

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

爾雅說文有鼯鼯終吠時文鶴博也

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

皆無攷證○音歎斯終吠時文鶴博也

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

似鼠而小食菱芡魚蝦

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

或云小魚小蟹所化也

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

席臥之卻寒

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

食之已熱

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

產于中甚大其毛及草木之皮皆

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

可織布汚則燒之即潔名火浣布

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

穴山在今隴西首陽山之西南其鳥為鷓鴣音塗狀

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

如家雀而黃黑色其鼠為鼯鼠狀如家鼠而色小黃

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

本草綱目狀那

鼯鼠

音劬精似鼠而小

即今地鼠也

鼯鼠

音劬精似鼠而小

而小

而小

尾短鳥居穴
外鼠居穴內
難印印距虛負而走其名曰歷李時珍曰今契丹
及交河北境有跳兔頭目毛色皆似兔而爪足似
鼠前足僅寸許後足近尺尾亦長其端有毛一跳
數尺止即歷仆此即歷鼠也土人掘食之郭璞以
印印距虛爲獸名兔前鼠後張揖註漢書云印印
青獸狀如馬巨虛似騾而小本草稱巨虛食菴藷
子而仙則是物
之至駿者也

牡鼠氣味甘微温無毒

日華曰凉牝鼠竝不入藥

主治療踈折

續筋骨生擣傅之三日一易

別錄豬脂煎膏治打撲

折傷凍瘡湯火傷

說日臘月以油煎枯去滓熬膏收用頌日油煎入蠟傅湯火傷

滅癩痕

煎油治小兒驚癇

日華

五月五日同石灰搗

極良

收傅金瘡神效

時珍

煎膏治諸瘡癩臘月燒之辟惡

氣

弘景○梅師云正旦朝所居處埋鼠辟瘟疫也

發明

劉完素曰鼠善穿而用以治瘡癩者因其性而為用也

附方

新舊五鼠瘦潰爛鼠一枚亂髮一雞子大以三歲臘豬脂煎令消盡以半塗

之以半酒服姚云不傳之妙法也葛氏

滅諸癩痕

大鼠一枚以臘豬脂四兩煎至銷盡

灑淨日塗三五次先布拭赤避風

瘡腫熱痛

靈鼠膏用大雄鼠一枚清油一

斤煎焦滴水不散濾再煎下炒紫黃丹五兩柳枝不住攪勻滴水成珠下黃蠟一兩熬帶黑色成膏

瓷瓶收之出火毒每用攤貼去痛而涼經驗方

潰癰不合

老鼠一枚燒末傅之

金蛇骨刺人

痛甚用死鼠

破傷風病

角弓反張牙禁肢強用鼠

本草綱目醫部卷三十一
一頭和尾燒灰以臘取活鼠去五臟乘
豬脂和傅之梅師項強身急熱貼之即瘥也

婦人狐瘕因月水來或悲或驚或逢疾風暴雨被

胸脇腰背痛引陰中小便難嗜食欲嘔如有孕狀

其瘕手足成形者殺人未成者可治用新鼠一枚

以新絮裹之黃泥固住入地坎中桑柴燒其上
日夜取出去絮入桂心末六銖為末每酒服方寸

匕不過二服當自令子易產取鼠燒末井花水服

秘乳汁清少死鼠一頭燒末酒服方寸匕日三杖瘡腫痛未

鼠同桑椹子入麻油中浸釀湯火傷瘡小老鼠泥

臨時取塗甚效西湖志湯火傷瘡包燒研菜

油調塗之○小兒傷乳腹脹煩悶欲睡燒鼠二枚

幼大談莖翁方為末日服二錢湯下保

鼠肉

已下並用牡鼠

氣味

甘熱無毒

主治

小兒哺露大腹

炙食之

別錄

小兒疳疾腹大貪食者黃泥裹燒熟去

骨取肉和五味豉汁作羹食之勿食骨甚瘦人

孟詵

主骨蒸勞極四肢勞瘦殺蟲及小兒疳瘦酒熬入

藥

蘇頌

炙食治小兒寒熱諸疳

時珍

附方

舊三新一

水鼓石水

腹脹身腫者以肥鼠一枚取肉煮粥空心食之兩三頓即

愈

小兒癥瘕

老鼠肉

煮汁作粥

乳汁不通

鼠肉

心鏡

食勿令知

產書箭鏃入肉大雄鼠一枚取肉薄批焙研每服二錢熱酒下瘡癢則出

集要

本草綱目卷之二十一 鼠

肝主治箭鏃不出搗塗之聾耳出汁每用棗核大

乘熱塞之能引蟲也

時珍

膽主治目暗

弘景

點目治青盲雀目不見物滴耳治

聾

時珍

發明

時珍曰癸水

位在子氣通于腎開竅于耳

目夜明在卦屬艮其精在膽故膽能治耳聾青盲

睛能明目而為淚肘后方甚稱其妙云能治三十

年老聾若卒聾者不過三度也有人側臥瀝膽入

附方

舊一

耳卒聾閉

以鼠膽汁二枚

滴之如多年

新三

癩矣後世羣方祖此亦多用之

雷鳴時即通

老聾

衛生家寶方勝金透關散用活鼠一枚繫定熱湯浸死破喉取膽真紅色者是也川烏

頭一箇炮去皮華陰細辛二錢膽礬半錢為末以

膽和勻再焙乾研細入麝香半字用鵝翎管吹入

耳中口含茶水日二次十日見效永除根本○聖

惠治久聾臘月取鼠膽二枚熊膽一分水和旋取

綠豆大滴耳青盲不見勻滴之立效聖惠方

中日二次

鼠印

即外腎也

主治令人媚悅

時珍曰按南宮從岫嶼神書鼠印合歡註云雄

鼠外腎之上似印兩腎相對有符篆朱文九

遍者尤佳以十一月或五月五日七月七日正

月朔旦子時面北向子位刮取陰乾如篆刻下佩

於青囊中男左女右繫臂上人見之無不權悅所

求如

心也

脂主治湯火傷

蘇頌耳聾時珍

本草綱目卷之二十一

附方

新耳聾 鼠脂半合青鹽一錢蚯蚓一條同和化以綿蘸捻滴耳中塞之 聖惠方

腦主治鍼棘竹木諸刺在肉中不出擣爛厚塗之

卽出箭鏃鍼刃在咽喉胸膈諸隱處者同肝擣塗

之又塗小兒解顱以綿裏塞耳治聾

時珍○出肘后總錄

頭主治瘦瘡鼻瘡湯火傷瘡

時珍

附方

舊一

鼻瘡膿血

正月取鼠頭燒灰以臘

外臺湯火

傷灼

死鼠頭以臘月豬脂煎令消盡

斷酒不飲 臘鼠

頭燒灰柳花末等分每睡時酒服一盃千金

目主治明目能夜讀書術家用之

陶宏景

發明

見臆下

附方

舊

目澀好眠

取一日燒研和魚膏點入目眚兼以絳囊盛兩枚佩之肘后

涎氣味有毒

墜落食中食之令人生鼠瘦或發黃如金

脊骨主治齒折多年不生者研末日日揩之甚效

藏器

發明

見臆下○雷公炮炙論序云長齒生牙賴雄鼠之骨末

附方

新

牙齒疼痛

老鼠一箇去皮以礪砂擦上三日肉爛化盡取骨瓦焙爲末入

蟾酥二分樟腦一錢每用少許點牙根上立止

孫氏集効方

四足及尾主治婦人墮胎易出

別錄

燒服催生

日華

本草綱目 卷五十一
皮主治燒灰封癰疽口冷不合者生剝貼附骨疽

瘡卽追膿出

時珍

糞

弘景曰兩頭尖者是牡鼠屎

氣味甘微寒無毒

時珍曰有小毒食中誤食

令人目黃成疸

主治小兒疳疾大腹葱豉同煎服治時行勞復

別錄

頌曰張仲景及古今名方多用之

治癰疾明目

日華

煮服治傷寒勞

復發熱男子陰易腹痛通女子月經下死胎研末

服治吹爛乳癰解馬肝毒塗鼠瘦瘡燒存性傅斮

傷疔腫諸瘡貓犬傷

時珍

發明

時珍曰鼠屎入足厥陰經故所治皆厥陰血分之病上列諸證是矣

附方

舊八新傷寒勞復外臺用雄鼠屎二十枚鼓

○活人書鼠屎豉湯治勞復發熱用雄鼠屎二七枚梔子十四枚枳殼三枚為粗末水一盞葱白二

寸豉三十粒煎男子陰易及勞復瘵鼠屎湯用豉一盞分三服

韭根一大把水二盞煎一盞溫服得大小便秘鼠

黏汗為效未汗再服○南陽活人方

屎末傳臍中室女經閉牡鼠屎一兩炒研空心子立效普濟溫酒服二錢千金方

死腹中雄鼠屎二七枚水三升煮產後陰脫以溫軟用雄鼠屎燒煙婦人吹孀去核包屎燒存性入熏之即入熊氏

麝香少許溫酒乳癰初起雄鼠屎七枚研末溫酒調服集要方服取汗即散壽域方

乳癰已成

用新溼鼠屎黃連大黃各等分為末以黍米粥清和塗四邊即散姚僧坦方

鼠瘦潰壞

新鼠屎一百粒收密器中五六日杵碎即傅之效千金方疔瘡惡

腫鼠屎

亂髮等分燒灰鍼瘡鬼擊吐血鼠胸腹刺痛

水服方寸匕

折傷瘀血傷損筋骨疼痛鼠屎

不過半日痛

中馬肝毒雄鼠屎三枚和梅師馬咬踏

瘡

腫痛作熱鼠屎二七枚故馬鞞五狂犬咬傷鼠

二升燒末傅

貓咬成瘡雄鼠屎燒灰油和傅兒齒

不生

雌鼠屎兩頭圓者三七枚一日一枚拭其小齒勿食鹹酸或入麝香少許尤妙

兒白禿

鼠屎瓦煨存性同輕粉小兒鹽麩鼠屎燒麻油塗之

空心服之
一歲一錢
小兒燕窩
生瘡鼠屎研
末香油調搽
毒蛇傷螫
野鼠屎水

調塗之
眞人經驗方
邵

壤土
見土部

鼯鼠

音偃
錄下品
別

釋名

田鼠

禮記

鼯鼠

音憤

隱鼠

時珍曰

田鼠

成

故得

諸名

中

集解

別錄曰

鼯鼠

在土中

行五月

取

乾燔之

弘

而大無

尾

黑色尖鼻甚強常穿地中

中別有大如水牛者一名隱鼠藏器曰隱處陰穿

地中而符見日月光則死于深山林木下土中有

之其大如牛者名同物異耳頰曰處處田隴間多

膏旱歲爲田害宗爽曰鼯腳絕短僅能行尾長寸

許目極小項尤短最易取或安竹弓射取飼鴈陶
引如水牛者釋之誤矣時珍曰許慎言鼯乃伯勞
所化月令季春田鼠化為鴛夏小正八月鴛為鼠
是二物交化如鷹鳩然也鴛乃鶉類隆慶辛未夏
秋大水蘄黃瀕江之地鼯鼠遍野皆櫛魚所化
蘆稼之根嚙食殆盡則鼯之化不獨一種也

肉氣味鹹寒無毒主治燔之療癰疽諸瘰蝕惡瘡

陰匿爛瘡別錄久食去風主瘡疥痔瘻藏器治風熱久

積血脈不行結成癰疽可消又小兒食之殺虬蟲

蘇頌

膏主治摩諸瘡藏器

糞主治蛇虺螫傷腫痛研末豬脂調塗時珍

壤土 見土部

隱鼠

拾遺

釋名

鼯鼠

音偃

偃鼠

綱目

鼠母

同

鼯

古役

集解

似弘景註

鼯鼠赤色

下脚似象

胸前有獸

大如水牛形

而鈍亦名隱鼠

人取食之肉亦似牛多

以作脯乃

云是鼠王其精

溺一滴落地輒

成一鼠災年則

多

出也藏器曰此是獸類非鼠之儔

大如牛而前脚

短皮入鞞轡用莊子所謂鼯鼠飲河不過滿腹者

陶言是鼠王精滴成鼠遍訪山人無其說亦不能

土中行此乃妄說陶誤信爾頌曰鼯鼠出滄州及

胡中似牛而鼠首黑足大者千斤多伏于水又能

堰水放沫彼人食其肉時珍曰按異物志云鼠母

頭脚似鼠口銳蒼色大如水牛而畏狗見則主水

災晉書云宣城郡出隱鼠大如牛形似鼠褲脚類

象而驢蹄毛灰赤色胸前尾上白色有力而鈍金樓子云晉甯縣境出大鼠狀如牛土人謂之偃牛時出山遊毛落田閒悉成小鼠苗稼盡耗梁書云倭國有山鼠如牛又有大蛇能吞之據此則隱鼠非無而陶說有本諸家闢之太甚者未深攷耳又爾雅云覬身似鼠而馬蹄長鬚而賊一歲千斤秦人謂之小驢者卽此物也

膏主治痔瘻惡瘡

陶弘景

鼯鼠

音石綱目

釋名碩鼠

與鼯同出周易

鼯鼠

音酌出廣雅

雀鼠

出埤雅

鼯鼠

音俊

出唐韻○時珍曰碩大也似鼠而大也關西方音轉鼯爲鼯訛鼯爲雀蜀人謂之鼯鼠取其毛作筆俊亦大也

集解

時珍曰鼯鼠處處有之居土穴樹孔中形大

前兩足而舞好食粟豆與鼯鼠俱爲田害鼯小居

田而鼯大居山也范成大云賓州鼯鼠專食山豆

根土人取其腹乾之入藥名鼯鼠肚陸

機謂此亦有五技與螻蛄同名者誤矣

肚氣味甘寒無毒主治咽喉痹痛一切熱氣研末

含嚙神效

時珍○出虞衡志

竹鼯

留柳二音
○綱目

釋名竹狔

時珍曰鼯狀其肥狔言其美也

集解

時珍曰竹鼯食竹根之鼠也出南方居土穴

羊以鼯煮鼈以
蚊物性相感也

肉氣味甘平無毒主治補中益氣解毒

時珍

土撥鼠

拾遺

釋名鼯鼯

音駝

答刺不花

出正要○時珍曰按唐書有鼯鼯鼠卽此也鼯

鼯言其肥也唐韻竹鱗鼯音僕朴俗訛爲土撥耳蒙古人名答刺不花

集解

藏器曰土撥鼠生西番山澤閒穴土爲窠形如獼夷人掘取食之魏志云大秦國出辟毒

鼠近似此也時珍曰皮可爲裘甚暖溼不能透

肉氣味甘平無毒

時珍曰按飲膳正要云雖肥而煮之無油味短多食難剋化微

動風主治野雞瘦瘡煮食肥美

藏器

頭骨主治小兒夜臥不甯懸之枕邊卽安

時珍

貂鼠

綱目

釋名栗鼠

爾雅翼

松狗

時珍曰貂亦作鼯羅願云此鼠好食栗及松皮夷人呼爲

栗鼠松狗

集解

時珍曰按許慎說文云貂鼠尾大而黃黑色出丁零國今遼東高麗及女直韃靼諸胡皆

有之其鼠大如獺而尾粗其毛深寸許紫黑色蔚而不耀用皮爲裘帽風領寒月服之得風更暖著水不濡得雪卽消拂面如焰拭眯卽出亦奇物也惟近火則毛易脫漢制侍中冠金璫飾首前插貂尾加以附蟬取其內勁而外温毛帶黃色者爲黃貂白色者爲銀貂

肉氣味甘平無毒

毛皮主治塵沙眯目以裘袖按之卽出

時珍

黃鼠綱目

釋名

禮鼠

韓文

拱鼠

同上

鼯鼠

音

貍貍

時珍曰

黃鼠

晴

見人則交其前足拱而如揖乃竄入穴即詩所謂

相鼠有體人而無禮韓文所謂禮鼠拱而立者也

古文謂之鼯鼠遼人呼為貍貍或以貍

貍為竹鼯貍獾者非胡人亦名令邦

集解時珍曰黃鼠出太原大同延綏及沙漠諸地

短善走極肥穴居有土窖如牀榻之狀者則牝牡

所居之處秋時畜豆粟草木之實以禦冬各為小

窖別而貯之村民以水灌穴而捕之味極肥美如

豚子而脆皮可為裘領遼金元時以羊乳飼之用

供上膳以為珍饌千里贈遺今亦不甚重之矣最

畏鼠狼能入穴銜出也北胡又有青鼠皮亦可用

銀鼠白色如銀古名鼯鼠音吸抱朴子言南海白

鼠重數斤毛可為布也百感錄云西北有獸類黃

鼠短喙無目性狡善聽聞人足音輒逃不可卒得土人呼爲瞎撞亦黃鼠類也

肉氣味甘平無毒

正要云多食發瘡

主治潤肺生津煎膏

貼瘡腫解毒止痛

時珍

發明

時珍曰黃鼠北方所食之物而方書無載按經驗良方有靈鼠膏云治諸瘡腫毒去痛退

熱用大黃鼠一箇清油一斤慢火煎焦水上試油不散乃濾滓澄清再煎次入炒紫黃丹五兩柳枝不住攪勻滴水成珠下黃蠟一兩熬黑乃成去火毒三日如常攤貼

鼫鼠

音佑綱目

釋名黃鼠狼

綱目

鼫鼠

音生去聲

鼫鼠

音谷

地猴

時珍曰按廣雅鼠狼

卽鼫也江東呼爲鼫其色黃赤如柚故名此物健於捕鼠及禽畜又能制蛇虺莊子所謂騏驥捕鼠

本草綱目 卷五十一
不如狸巽者即此

集解

時珍曰鼯處處有之狀似鼠而身長尾大黃色帶赤其氣極臊臭許慎所謂似貂而大色黃而赤者是也其毫與尾可作筆嚴冬用之不折世所謂鼠鬚狸尾者是也

肉氣味甘臭温有小毒主治煎油塗瘡疥殺蟲

時珍

心肝氣味臭微毒主治心腹痛殺蟲

時珍

附方

新

心腹痛

用黃鼠心肝肺一具陰乾瓦焙爲末入乳香沒藥孩兒茶血竭末各

三分每服一錢燒酒調下立止海上仙方

鼯鼠

拾遺

釋名甘口鼠

時珍曰鼯乃鼠之最小有者啮人不痛故曰甘口今處處有之

集解

藏器曰鼯鼠極細卒不可見食人及牛馬等皮膚成瘡至死不覺爾雅云有螫毒左傳云

食郊牛角者皆此物也博物志云食人死膚令人患惡瘡醫書云正月食鼠殘多為鼠瘦小孔下血者皆此病也治之之法以豬膏摩之及食狸肉為妙鼯無功用而為人害故著之

食蛇鼠

綱目

集解

時珍曰按唐書云罽賓國貢食蛇鼠喙尖尾赤能食蛇有被蛇螫者以鼠嗅而尿之即愈

今雖不聞說此恐時有貢者存此以備攷證

尿主治蛇虺傷螫

時珍

猬

本經中品

校正

舊在蟲魚部今據爾雅移入獸部

釋名

古猬字俗作蝟

毛刺

爾雅蝟鼠

時珍曰按說文彙字篆文象形頭足似鼠

故有鼠名宗奭曰蝟皮治胃逆開胃
氣有功其字從虫從胃深有理焉

集解

別錄曰獬生楚山川谷田野取無時勿使中
溼弘景曰處處野中時有此獸人犯之便藏

頭足毛刺人不可得能跳入虎耳中而見鵲便自

仰腹受啄物相制如此其脂烱鐵中入少水銀則

柔如鉛錫蜀圖經曰獬狀如獬犬者如獬小者

如瓜腳短尾長寸餘蒼白色腳似豬蹄者佳鼠腳

者次之去肉取皮火乾又有山枳鼠皮正相似但

尾端有兩歧為別又有虎鼠皮亦相類但以味酸

為別又有山獬頗相似而皮類兔皮其色褐味甚

苦俱不堪用時珍曰獬之頭薺似鼠刺毛似豪豬

蹠縮則形如茨房及栗房攢毛外刺尿之即開炙

說不同廣韻云似獬而赤尾者名暨居宗奭曰乾

獬皮并刺作刷治紕帛絕佳世有養者去而復來

正誤

恭曰獬極獬鈍大如狍小如瓜惡鵲聲故反
腹受啄欲掩取之猶鵲蚌也虎耳不受雞卵

且去地三尺，猶何能跳之而入野俗鄙言遂爲雅記深可怪也。宗奭曰：蘇註：獮陶理似當然。時珍曰：按淮南子云：猶使虎申蛇令豹止。又云：鵠屎中猶緯書云：火爍金故鵠啄蝟觀此則陶說非妄也。而蘇氏斥之寇氏和之非矣。蜈蚣制龍蛇、蜈蚣制龍蛇、蜈蚣制蜈蚣，豈在大小利鈍耶？物畏其天耳。蜀圖經所謂虎鼠，卽鼯鼠亦猶中一種也。孫恂云：鼯鼠能飛食虎豹，談藪云：虎不敢入山林而居草薄者畏木上有趨鼠也。鼠見虎過則咆哮拔毛投之，虎必生蟲瘡潰爛至死。鼯音相近耳。猶能制虎，觀此益可徵矣。今正其誤。

皮脩治

細銼炒
黑入藥

氣味苦平無毒

甄權曰：甘有小毒，得酒良。畏桔梗、麥

冬

主治五痔陰蝕下血赤白五色血汗不止陰腫

痛引腰背酒煮殺之

本經

療腹痛疝積燒灰酒服

別錄

治腸風瀉血痔痛有頭多年不瘥炙末飲服方寸

匕燒灰吹鼻止衄血甚解一切藥力

藥性

附方

舊五新八

五痔下血

衍義云用猬皮合穿山甲等分燒存性入肉豆蔻一半空

腹熱米飲服一錢妙○外臺用猬皮三指大熏黃如棗大熟艾一錢穿地作坑調和取便熏之取口中
有烟氣為佳火氣稍盡即停三日將息更熏之
三度永瘥勿犯風冷糞臞將養切忌雞魚諸生冷
二十日**腸痔有蟲**和塗疥末生油**腸風下血**白刺
後補之一枚銼內燂焦去皮留刺木賊半兩炒黑**蠱毒下**
為末每服二錢熱酒調下**五色痢疾**楊氏家藏方**蠱毒下**
血當吐毒水服方寸匕**五色痢疾**服二錢**灰酒**
域**大腸脫肛**為末每服二錢**磁石燉五錢**桂心五錢
方**大腸脫肛**為末每服二錢**磁石燉五錢**桂心五錢

塞鼻止衄

狷皮一枚燒末半錢綿裹塞之

鼻中瘖肉

狷皮炙末綿

裹塞之日

三眼睫倒刺

未隨左右目啗鼻中口含冷

水堂方

反胃吐食

或五味淹炙食

小兒驚

啼

狀如物刺用狷皮三寸燒末

獠犬咬傷

狷皮頭髮等分

燒灰水服

外臺方

肉氣味甘平無毒

藏器曰食之去骨誤食

主治反

胃炙黃食之亦煮汁飲又主瘦

藏器炙食肥下焦理

胃氣令人能食

孟詵

脂氣味同肉

詵曰可煮五金八石伏雄黃柔鐵

主治腸風瀉血

日華

溶滴耳中治聾

藏器

塗禿癬殺蟲

時珍

附方

一新

虎爪傷人

刺猬脂日日傅之內服香油

腦主治狼瘻

時珍

心肝主治蟻瘻蜂瘻瘰癧惡瘡燒灰酒服一錢

時珍

膽主治點目止淚化水塗痔瘡

時珍

治鷹食病

寇宗奭

附方

一新

痘後風眼

發則兩瞼紅爛眵淚用刺胃膽汁用簪點入癢不可當二三

即愈尤勝烏雅膽也董炳集驗方

獸之四

寓類怪類共八種

獼猴

證類

釋名

沐猴

史記爲猴

說文胡孫

格古論

王孫

柳文馬留

倦游錄

狙

時珍曰

按班固白虎通云猴候也見人設食伏

機則憑高四望善于候者也猴好拭面如沐故

謂之沐而後人訛沐爲母又訛母爲彌愈訛愈失

矣說文云爲字象母猴之形卽沐猴也非牝也猴

形似胡人故曰胡孫莊子謂之狙養馬者廐中畜之能辟馬病胡俗稱馬留云梵書謂之摩斯咤

集解

慎微曰獼猴有數種總名禺屬取其食雜物違

尾

長者用人家養者不主病爲其食雜物違

本性也按抱朴子云猴八百歲變爲猿處深山有

變爲猿猿千歲變爲蟾蜍時珍曰猴處處深山有

之狀似人眼如愁胡而頰陷有嘽嘽音歉藏食處

也腹無脾以行消食尻無毛而尾短手足如人亦

能豎行聲嗚嗚若款孕五月而生子生子多浴于

澗其性躁動害物畜之者使坐杙上鞭撻旬月乃

馴也其類有數種小而尾短者猴也似猴而多鬚

者廩也似猴而大者獼也大而尾長赤目者禺也

小而尾長仰鼻者狢也似狢而大者果然也似狢而小者蒙頌也似狢而善躍越者獬也似狢而長臂者狢也似狢而金尾者狢也似狢而大能食狢猴者獨也不主病者並各以類附之

附錄 獲 音卻時珍曰獲老猴也生蜀西徼外山中似猴而大色蒼黑能人行善獲持人物又

善顧盼故謂之獲純牡無牝故又名獲父亦曰狢獲善攝人婦女為偶生子又神異經云西方有獸

名狢大如驢狀如猴善緣木純牝無牡羣居要路執男子合之而孕此亦獲類而牝牡相反者

音據按郭璞云建平山中有之犬如狗狀如猴黃黑色多鬣鬣好奮頭舉石擲人西山經云崇吾之

山有獸焉狀如禺而長臂善投名曰舉父即此也

肉氣味 酸平無毒 **主治** 諸風勞釀酒彌佳作脯食

治久瘡 慎食之辟瘴疫 時珍

發明

時珍曰異物志言南方以獼猴頭爲鮮臨海志言粵民喜啖猴頭羹又巴徼人捕猴鹽藏

火熏食云甚美

頭骨主治瘴瘧作湯浴小兒驚癇鬼魅寒熱

慎微

附方

舊一

鬼瘡

進退不定用胡孫頭骨一枚燒研空心温酒服一錢臨發再服

聖惠方

手主治小兒驚癇口噤

慎微

屎主治塗蜘蛛咬

慎微

小兒臍風撮口及急驚風燒

末和生蜜少許灌之

時珍○出心鑑及衛生方

皮

慎微曰治馬疫氣時珍曰馬經言馬廐畜母猴辟馬瘟疫逐月有天癸流草上馬食之永無疾

病矣

狻

○戎松二音
拾遺

釋名狻

難逃切時珍曰狻毛柔長如絨可以藉可緝故謂之狻而狻字亦從柔也或云生于西戎故從戎也狻古文作

象形今呼長毛狗為狻取此象

集解

藏器曰狻生山南山谷中似猴而大毛長黃赤色人將其皮作鞍褥時珍曰楊億談苑云

狻出川峽深山中其狀大小類猿長尾作金色俗名金線狻輕捷善緣木甚愛其尾人以藥矢射之

中毒即自齧其尾也宋時文武三品以上許用狻座以其皮為褥也

附錄猿

時珍曰猿善援引故謂之猿俗作猿產川廣深山中似猴而長大其臂甚長能引氣

故多壽或言其通臂者誤矣臂骨作笛甚清亮其色有青白玄黃緋數種其性靜而仁慈好食果實

其居多在林木能越數丈著地即泄瀉死惟附子汁飲之可免其行多羣其鳴善啼一鳴三聲淺切

入人肝脾范氏桂海志云猿有金絲者黃色玉面者黑色及身面俱黑者或云黃是牡黑是牝牝能嘯牡不能也王濟曰詢記云廣人言猿初生毛黑而雄老則變黃潰去勢囊轉雄為雌與黑者交而孕數百歲黃又變白也時珍按此說與列子獼變化為猿莊子獼狙以猿為雌之言相合必不妄也

獨

時珍曰獨似猿而大其性獨一鳴即止能食猿猴故諺曰獨一鳴而猿散獨夫蓋取諸此或云

即黃腰也又見虎下

肉及血氣味

缺

主治食之調五痔病久坐其皮亦

良

藏器

脂主治瘡疥塗之妙

同上

果然

拾遺

釋名 禺 音遇 狢 音又 或 蝮 音或 或作 獮 音二 仙猴 時珍曰郭璞云果然

自呼其名羅願云人捕其一則舉羣啼而相赴雖殺之不去也謂之果然以來之可必也大者為然

為禺小者為狢為蝮南人名仙猴俗作猱獮

集解 藏器曰案南州異物志云交州有果然獸其

頭鼻孔向天雨則挂木上以尾塞鼻孔其毛長柔細滑白質黑文如蒼鳴脇邊斑毛之狀集之為裘

褥甚溫暖爾雅蝮仰鼻而長尾即此也時珍曰果然仁獸也出西南諸山中居樹上狀如猿白面黑

頰多髯而毛采斑斕尾長于身其末有歧雨則以歧塞鼻也喜羣行老者前少者后食相讓居相愛

生相聚死相赴柳子所謂仁讓孝慈者是也古者畫蝮為宗彝亦取其孝讓而有智也或云猶豫之

猶即狢也其性多疑見人則登樹上下不一甚至奔觸破頭折脛故人以比心疑不決者而俗呼駮

愚爲癡
獼也

附錄

蒙頌

時珍曰蒙頌一名蒙貴乃雌之又小者也紫黑色出交趾畜以捕鼠勝于貓狸

獬狔

音慚胡許氏說文作斬颯乃蝮蝱之屬黑身白腰如帶手有長毛白色似握版之狀蜀地

志云獬狔似猴而甚捷在樹上欸然騰躍如飛鳥也

肉氣味鹹平無毒主治瘧瘴寒熱同五味煮臠食

之併坐其皮取效

藏器

發明

時珍曰案鍾毓果然賦云似猴象猿黑頰青身肉非佳品惟皮可珍而呂氏春秋云肉之

美者獲狻之炙亦性各有不同耶

猩猩

本作狻音生○綱目

釋名

時珍曰：猩猩能言，而不知來，猶惺惺也。

集解

時珍曰：猩猩自爾雅逸周書以下數十說，今參集之云：出哀牢夷及交趾封溪縣山谷中。

狀如狗及獼猴，黃毛如猿，白耳如豕，人面人足，長髮頭，顏端正，聲如兒啼，亦如犬吠，成羣伏行。阮汧云：封溪俚人以酒及草屐置道側，猩猩見即呼人。祖先姓名罵之，而去頃復相與嘗酒，著屐因而被擒。檻而養之，將烹則推其肥者泣而遣之。西胡取其血，染毛罽，不黯刺，血必篋而問其數，至一斗乃已。又按禮記亦云：猩猩能言，而郭義恭廣志云：猩猩不能言。山海經云：猩猩能言，知人言。三說不同。大抵猩猩畧似人形，如猿猴類耳。縱使能言，當若鸚鵡之屬，亦不必盡如阮氏所說也。又羅願爾雅翼云：古之說猩猩者，如豕如狗如猴。今之說猩猩者，與狒狒不相遠。云如婦人被髮袒足，無膝羣行。遇人則手掩其形，謂之野人。據羅說則似乎後世所謂野女野婆者也。豈即一物耶？

附錄野女

唐蒙博物志云日南有野女羣行覓夫其狀白色徧體無衣襦周密齊東野語

云野婆出南丹州黃髮椎髻裸形跣足儼然若一

媪也羣雌無牡上下山谷如飛揉自腰已下有皮

蓋膝每遇男子必負去求合嘗為健夫所殺死以

手護腰閒剖之得印方寸瑩若蒼玉有文類符篆

也時珍曰合此二說與前阮氏羅氏之說觀之則

野女似卽猩猩矣又雄鼠卵有文如符篆治鳥腋

下有鏡印則野婆之印篆非異也亦當有功用但人未知耳

肉氣味甘鹹温無毒主治食之不味不飢令人善

走窮年無厭可以辟穀

時珍○出逸書山海經水經

發明

時珍曰逸書言猩猩肉食之令人不味其惺惺可知矣古人以為珍味故荀子言猩猩能

言笑二足無毛而人啜其羹食其肉呂氏春

秋云肉之美者猩猩之唇獾獾之炙是矣

本草綱目鬻音
卷五十一
彙

狒狒 音費 ○
拾遺

釋名

鬻鬻

與狒同

梟羊

山海經

野人

方輿志

人熊

時珍曰爾

雅作狒說文作鬻從昌從凶從內象形許慎云北
人呼爲土螻今人呼爲人熊按郭璞謂山都卽狒

狒稍似差別抑
名同物異歟

集解

藏器曰狒狒出西南夷爾雅云狒狒如人被
髮迅走食人山海經云梟羊人面長唇黑身

有毛反踵見人則笑笑則上唇掩目郭璞云交廣
及南康郡山中亦有此物大者長丈餘俗呼爲山
都宋建武中獠人進雌雄二頭帝問土人丁鑿鑿
曰其面似人紅赤色毛似獼猴有尾能人言如鳥
聲善知生死力負干鈞反踵無膝睡則倚物獲人
則先笑而後食之獵人因以竹筒貫臂誘之俟其
笑時抽手以錐釘其唇著額候死而取之髮極長
可爲頭髮血堪染靴及緋飲之使人見鬼也帝乃

命工圖之時珍曰按方輿志云狒狒西蜀及處州
山中亦有之呼爲人熊人亦食其掌剝其皮閩中
沙縣幼山有之長丈餘逢人則笑呼爲山大人或
曰野人及山魃也又鄧顯明南康記云山都形如
崑崙人通身生毛見人輒閉目開口如笑好在深
澗中翻石覓蟹食之珍按鄧氏所說與北山經之
山獬述異記之山都永嘉記之山鬼神異經之山
獬玄中記之山精海錄雜事之山丈文字指歸之
旱魃搜神記之治鳥俱相類乃
山怪也今竝附之以備考證

附錄 山都

時珍曰任昉述異記云南康有神曰山

山樹中作窠狀如鳥卵高三尺餘內甚光彩體質
輕虛以鳥毛爲褥二枚相連上雄下雌能變化隱
形罕覩其狀若木
山獬時珍曰北山經云山獬狀
客山獬之類也
木客又曰幽明錄云生南方山中
笑其行如風見
則天下大風

爪如鈎利居絕岩閒死亦殞殮能與人交易而不
 見其形也今南方有鬼市亦類此又有木客鳥見
 禽**山獠**又曰東方朔神異經云西方深山有人長
 部**山獠**丈餘袒身捕蝦蟹就人火炙食之名曰山
 獠其名自呼人犯之則發寒熱蓋鬼魅耳所在亦
 有之惟畏爆竹焔燔聲劉義慶幽明錄云東昌縣
 山岩閒有物如人長四五尺裸身被髮髮長五六
 寸能作呼嘯聲不見其形每從澗中發石取蝦蟹
 就火炙食永嘉記云安國縣有山鬼形如人而一
 腳僅長一尺許好盜伐木能鹽炙石蟹食人不敢
 犯之能令人病及焚居也玄中記云山精如人一
 足長三四尺食山蟹夜出晝伏千歲蟾蜍能食之
 抱朴子云山精形如小兒獨足向後夜喜犯人其
 名曰魃呼其名則不能犯人白澤圖云山之精狀
 如鼓色赤一足名曰夔亦曰獬文呼之可使取虎
 豹海錄雜事云嶺南有物一足反踵手足皆三指
 雄曰山丈雌曰山姑能夜叩人門求物也神異記
 云南方有魃一名旱母長二三尺裸形目在頂上

行走如風見則大旱遇者得之投溷中則旱除文字指歸云旱魃山鬼也所居之處天不雨女魃入人家能竊物以出男魃入人家能竊物以歸時珍謹按諸說雖少有參差大抵俱是怪類今俗所謂獨腳鬼者是也邇來處處有之能隱形入人家姪亂致人成疾放火竊物大爲家害法術不能驅醫藥不能治呼爲五通七郎諸神而祀之蓋未知其原如此今備載之非但博聞而已其曰呼其名則無害千歲蟾蜍能食之者非治法歟引申觸類必有能制之者又有治鳥亦此類見禽部精怪之屬甚夥皆爲人害惟白澤圖玄中記抱朴子酉陽雜俎諸書載之頗悉起居者亦不可不知然正人君子則德可勝妖自不敢近也

肉氣味無毒 **主治** 作脯連脂薄割炙熱貼人癬疥

能引蟲出頻易取瘥

藏器

罔兩

綱目

集解

時珍曰罔兩一作魍魎又作方良周禮方相氏執戈入殯以驅方良是矣罔兩好食亾者

肝故驅之其性畏虎柏故墓上樹石虎植柏國語云木石之怪夔罔兩水石之怪龍罔象卽此述異記云秦時陳倉人獵得獸若彘若羊逢二童子曰此名弗述又名蝮在地下食死人腦但以柏插其首則死此卽罔兩也雖于藥石無與而于死人則關故錄之其方相有四目若二目者爲魍皆鬼物也古人設人像之昔費長房識李娥藥丸用方相腦則其物亦入辟邪方藥而法失傳矣

彭侯

綱目

集解

時珍曰按白澤圖云木之精名曰彭侯狀如

如豚食之味如狗搜神記云吳時敬叔伐大樟樹血出中有物人面狗身敬叔云此名彭侯乃烹而

食之味如狗也

肉氣味甘酸溫無毒主治食之辟邪令人志壯白澤

封綱目

集解

時珍曰按江隣幾雜志云徐積於廬州河次

所謂封食之多力者也田九成西湖志云董表儀撤屋掘土得一肉塊術士云太歲也棄之亦無害及山海經敦隅之山及開明南北東南海外並有視肉郭璞註云聚肉形如牛肝有兩目食之無盡尋復生如舊也此皆封類可食者但人不知耳又海中一種土肉正黑長五寸大如小兒臂有腹無口目有三十足可炙食此又蟲魚之肉類乎封者也

本草綱目獸部第五十一卷下終

東海

本草綱目人部目錄第五十二卷

李時珍曰神農本草人物惟髮髮一種所以別人于物也後世方伎之士至于骨肉膽血咸稱爲藥甚哉不仁也今于此部凡經人用者皆不可遺惟無害于義者則詳述之其慘忍邪穢者則畧之仍闕斷于各條之下通計三十五種不復分類

舊本二十五種今移五種入服器部

自玉石部移入一種

神農本草經一種

梁陶弘景註

名醫別錄五種

梁陶弘景註

唐本草一種

唐蘇恭

本草拾遺八種

唐陳藏器

日華本草二種

宋人

開寶本草一種

宋馬志

嘉祐本草四種

宋錫禹

證類本草一種

宋唐慎微

本草蒙筌一種

明陳嘉謨

本草綱目一十三種

明李

時珍

附註

魏吳普本草齊徐之才藥對

李當之藥錄孫思邈千金

宋雷斅炮炙甄權藥性

唐孟詵食療元李杲法象

蜀韓保昇重註王好古湯液

宋寇宗奭衍義

朱震亨補遺明汪機會編

人之一 凡三十五種附二條

髮髮

本經

亂髮

別錄

頭垢

別錄

耳塞 日華

膝頭垢 綱目

爪甲 綱目

牙齒 日華

人尿 別錄
附人別錄
中人黃
小兒胎屎 綱目

人尿 別錄

溺白涎 唐人本即
秋石 蒙筌

淋石 嘉祐

癖石 綱目
乳汁 別錄

婦人月水 嘉祐

人血 拾遺
人精 嘉祐

口津唾 綱目

齒涎 嘉祐
人汗 綱目

眼淚 綱目

人氣 綱目
人魄 綱目

髭鬚 證類

陰毛 拾遺
人骨 拾遺

天靈蓋 開寶

人胞 拾遺
胞衣水 拾遺

初生臍帶

拾遺

人勢

綱目

人膽

拾遺

人肉

拾遺

木乃伊

綱目

方民

綱目

人傀

綱目

右附方舊六十七新二百二十

本草綱目人部第五十二卷

人之一 凡三十五種附二條

髮髮

音被
本經

釋名

髮 音總
甄權

髮 音剃

亦作鬣。○李當之曰：髮髮，髮審

是何物。髮字書記所無，或作蒜字。今人呼斑髮爲蒜髮。書家亦呼亂髮爲鬣，恐卽鬣也。童男之理，或未全明。恭曰：此髮髮根也。年久者用之神效。字書無髮字，卽髮字。誤矣。旣有亂髮，則髮去病用陳久者如船，茹敗天翁蒲席皆此例也。甄立言本草作鬣，鬣亦髮也。鬣乃髮美貌，有聲無質。陶說非矣。宗奭曰：髮髮亂髮自是兩等。髮髮味苦，卽陳舊經年歲者如橘皮半夏取陳者入藥，更良之義。今人謂之頭髮，其亂髮條中自無用髮之義。二義甚明，不必過搜索也。時珍曰：髮髮乃剪鬣下髮也。亂髮

乃梳櫛下髮也按許慎說文云大人曰髡小兒曰
髡顧野王玉篇云髮髡也髡髮髮也二說甚明古
者刑人髡髮婦人以之被髻故謂之髮髡周禮云
王后夫人之服有以髮髡爲首飾者是矣又詩云
鬢髮如雲不屑髡也甄權所謂髮鬢雷敷所謂二
十男子頂心翦下髮者得之矣李當之以爲童男
髮陶弘景以爲鬢髮蘇恭以爲髮根宗奭以爲陳
髮者並誤矣且顧野王在蘇恭之前恭不知玉篇
有髮字亦欠攷矣毛萇詩傳云被之
僮僮被首飾也編髮爲之卽此髮也

脩治

數曰髮髮是男子年二十已來無疾患顏貌
紅白于頂心翦下者入丸藥膏中用先以苦

參水浸一宿漉出入瓶子以火煨赤放冷研用時

珍曰今人以皂莢水洗淨曬乾入礮固濟煨存性

良用亦

氣味苦温無毒

別錄小寒

主治五癰關格不通利小便

水道療小兒驚大人瘥仍自還神化

本經

合雞子黃

煎之消爲水療小兒驚熱百病

別錄

止血悶血運金

瘡傷風血痢入藥燒存性用煎膏長肉消瘀血

大明

發明

韓保昇曰本經云自還神化李當之云神化

化之異應此者也又藏器曰生人髮掛果樹上烏鳥不敢來食其實又人逃走取其髮于緯車上卻轉之則迷亂不知所適此皆神化時珍曰髮者血之餘埋之土中千年不朽煎之至枯復有液出誤食入腹變爲癥蟲煨治服餌令

附方

舊二新四

石淋痛澀

髮髮燒存性研末每服用

傷

寒黃病

髮髮燒研水服一寸

胎衣不下

亂髮頭髮

眞小兒客忤因見生人所致取來人顛上髮十

飲兒卽愈急肚疼病服用本人頭髮三十根燒過酒

內大汗如雨卽癩癧惡瘡以生髮灰米湯服二錢外

安談埜翁方以生髮灰三分阜莢刺

亂髮別錄

釋名血餘

綱目人退

時珍曰頭上曰髮屬足少陰陽

曰眉屬手足陽明唇上曰髭屬手足陽明頰下曰鬚屬足少陰陽明兩頰曰髯屬足少陽其經氣血盛則美而長氣多血少則美而短氣少血多則少而惡氣血俱少則其處不生氣血俱熱則黃而赤氣血俱衰則白而落素問云腎之華在髮王冰註云腎主髓腦者髓之海髮者腦之華腦減則髮素滑

壽註云水出高原故腎華在髮髮者血之餘血者水之類也今方家呼髮爲血餘蓋本此義也龍木論謂之人退焉葉世傑草木子云精之榮以鬚氣之榮以眉血之榮以髮類苑云髮屬心稟火氣而上生鬚屬腎稟水氣而下生眉屬肝稟木氣而側生故男子腎氣外行而有鬚女子宦人則無鬚而眉髮不異也說雖不同亦各有理終不若分經者爲的劉安君云欲髮不落梳頭滿千遍又云髮宜多梳齒宜數叩皆攝精益腦之理爾又崑齋吳玉有白髮辨言髮之白雖有遲早老少皆不係壽之脩短由祖傳及隨事感應而已援引古今爲証亦自有理文多不錄

氣味苦微温無毒**主治**欬嗽五淋大小便不通小

兒驚癇止血鼻衄燒灰吹之立已別錄燒灰療轉胞

小便不通赤白痢噎噎癰腫狐尿刺尸疰疔腫骨

疽雜瘡

蘇恭

消瘀血補陰甚捷

震亨

發明

時珍曰髮乃血餘故能治血病補陰療驚癩去心竅之血劉安君以己髮合頭垢等分燒

存性每服豆許三丸名曰還精丹合頭不白又老

唐方亦用自已亂髮洗淨每一兩入川椒五十粒

泥固入瓶煨黑研末每空心酒服一錢合髮長黑

此皆補陰之驗也用椒者取其下達爾○弘景曰

俗中嫗母為小兒作雞子煎用其父梳頭亂髮

雜雞子黃熬良久得汁與兒服去痰熱療百病

附方

舊十六新 孩子熱瘡 亂髮一團如梨子大雞

子內熬至甚乾始有液出旋置蓋中液盡為度用

傳瘡上即以苦參粉粉之神妙詳見雞子黃下

劉禹錫 小兒斑疹 髮灰飲服三錢 小兒斷臍 即油

傳信方 小兒重舌 欲死者以亂髮灰

調髮灰傳之不可傷 小兒重舌 半錢調傳舌下不

水臍溼不乾亦傳之 小兒重舌 半錢調傳舌下不

住用之
簡要濟眾
小兒燕口
兩角生瘡
髮灰三錢
小兒吻

瘡之髮灰和豬脂塗
小兒驚啼
亂油髮燒研乳汁或
聖惠方

鼻血眩冒
欲死者亂髮燒研水服方
鼻血不止
餘血

燒灰吹之立止
永不發
男用母髮女用父髮
○聖

惠用亂髮灰一錢
人中白五分
麝香少許
為末
啗

鼻名三
肺疽吐血
髮灰一錢
米醋二合
白
咳嗽有

血小兒胎髮灰入麝香少許
酒下每箇
齒縫出血

頭髮切入
華陀中藏經
肌膚出血
胎髮燒灰傅之

中研搽之
治要訣
諸竅出血
每服三錢
木香湯下
聖惠方

上下諸血
或吐血或心衄或小便出血並用亂髮灰

水服方寸匕
日三服
聖濟無故遺血
亂髮及爪甲燒灰酒小

便尿血
髮灰二錢醋湯
血淋苦痛
亂髮燒存性二

飲服方
大便瀉血
血餘半兩燒灰雞冠花柏葉各

一服見效
一盞投之
胎產便血
髮灰每飲服二錢來早

漏血
亂髮洗淨燒研空心溫
月水不通
童男童女

燒灰斑蝥二十一錢
一枚糯米炒黃麝香一錢
婦人陰

吹
胃氣下泄陰吹而正喧此穀氣之實也宜豬膏

髮消藥成矣分再服病從
女勞黃疸
因大熱大勞

所致身目俱黃發熱惡寒小腹痛急小黃疸尿赤

便難用膏髮煎治之即上方肘后方

亂髮灰水服一錢日大小便閉亂髮灰三指撮放

乾霍亂病脹滿煩躁亂髮一團燒灰鹽湯尸疰中

惡子母秘錄用亂髮如雞子大燒研水服○一方

子大每温酒日破傷中風亂髮如雞子大無油器

蓋沃之入何首烏末二錢灌沐髮中風上方同

長黑亂髮洗曬油煎焦枯擦落耳鼻頭髮瓶盛泥

以擦落耳鼻乘熱蘸髮灰綴定軟帛聾耳出濃髮亂

裹杏仁末塞吞髮在咽取自己亂髮燒灰水服蜈

之聖惠方吞髮在咽一錢延齡至寶方

蚣螫咬頭髮燒之疔腫惡瘡亂髮鼠屎等分燒灰鍼

本草綱目卷八部... 卷上二亂髮 七

瘡口不合

亂髮露蜂房蛇蛻皮各燒存性一錢用溫酒食前調服神妙

蘇沈良方下

疔溼瘡

髮灰一錢棗核七箇燒研洗貼

大風癩瘡

用新竹筒

黑豆一層頭髮一層至滿以稻糠火盆內煨之候汁滴出以蓋接承翎掃瘡上數日即愈亦治諸瘡

經方
邵真人

頭垢

別錄

釋名梳上者名百齒霜

弘景曰術云頭垢浮鍼以肥膩故耳今當用悅澤人

者其垢可丸也

氣味鹹苦溫有毒

主治淋閉不通

別錄

療噎疾酸漿煎膏用之立愈又

治勞復

景弘

中蠱毒葷毒米飲或酒化下並取吐為

度

大明

附方

舊九新

天行勞復

合頭垢棗核

預防勞復

類要大

傷寒初愈欲令不勞復者

頭垢燒研

頭身俱痛悶

水丸梧子大飲服一丸

外臺秘要

頭身俱痛

小兒哭症

盛蒸豆熨之

肘後

小兒霍亂

梳垢水

小兒哭症

方同百邪鬼魅

並干金

婦人吹乳

水丸梧子大每

服三丸食後屋上倒流水下隨左右暖臥取汗甚

效或以胡椒七粒同百齒霜和丸熱酒下得汗立

愈

婦人足瘡

經年不

生寶鑑婦人乳癰

酒下梳垢五

婦人足瘡

愈名裙

風瘡用男子頭垢

桐油調

廉脛生瘡

頭垢枯礬研

本草綱目

卷之二十一

頭垢

壽域方 下疳溼瘡 蠶繭盛頭垢再以一繭合定 小兒

緊唇 頭垢塗之 菜毒 凡野菜諸脯肉馬肝馬

湯下亦可起死人或白 自死肉毒 故頭巾中垢一

狗犬毒人 頭垢蝟皮等分燒灰水服一盃口噤者

納瘡中用熱 諸蛇毒人 梳垢一團尿和傳上仍炙

蜈蚣螫人 頭垢苦參末酒 蜂蠆螫人 頭垢封之 蟲蟻螫

人 同上 竹木刺肉 不出頭垢塗之 飛絲入目 頭

白屑 少許措之即 赤目腫痛 頭垢一芥子納入 噫

吐酸漿 漿水煎頭垢豆許服

耳塞

日華

釋名耳垢

綱目

腦膏

日華

泥丸脂

時珍曰

脩真指南云腎氣從脾右畔上入

于耳化為耳塞耳者腎之竅也腎氣通則無塞塞則氣不通故謂之塞

氣味鹹苦温有毒

主治顛狂鬼神及嗜酒

大明

蛇蟲蜈蚣螫者塗之良

時珍

附方

新六

蛇蟲螫傷

人耳垢

蚯蚓屎

和塗

出破傷中

破傷中

風

用病人耳中膜并刮爪甲上末

調塗瘡口立效

抓瘡傷水腫痛

難忍者以耳垢對之一夕水盡出而愈鄭師甫云余常病此一巧傳此方

腦卽耳塞也鹽泥等分研勻以蒲公一切目疾塞

英汁和作小餅封之大有效聖惠用入耳塞石蓮

曬乾每以粟許夜小兒夜啼驚熱人參各五分乳香

夜點之
二分燈花一字丹砂一分爲
末每薄荷湯下五分 普濟

膝頭垢
目綱
主治唇緊瘡以綿裹燒研傅之外臺

爪甲
目綱

釋名筋退時珍曰爪甲者筋之餘膽之外候也靈樞經云甲應爪爪厚色黃者膽厚爪薄

色紅者膽薄爪堅色青者膽急爪栗色赤者膽緩爪直色白者膽直爪惡色黑者膽結

氣味甘鹹無毒

主治鼻衄細刮疔之立愈眾人甲亦可宗催生下

胞衣利小便治尿血及陰陽易病破傷中風去目

醫時珍懷妊婦人爪甲取末點目去醫障藏器

附方新舊三斬三尸法太上玄科云常以庚辰日

年七月十六日將爪甲燒灰和水服之三尸九蟲

皆減名曰斬三尸一云甲寅日三尸遊兩手剪

去手爪甲甲午日三尸消除腳氣每寅日割手足

遊兩足剪去足爪甲消除腳氣每寅日割手足

氣秘外破傷中風手足十指甲香油炒研熱酒調

傷風手足顫掉搖搖不已用人手足指甲燒存性

男小兒腹脹

父母指爪甲燒傅乳上飲之

小便轉胞

自取爪甲燒灰

水服男女淋疾

同上並肘后

小便尿血

一錢半燒研末每

服一錢空溫

聖濟錄妊婦尿血

取夫指甲燒灰酒服

胞衣不

下

取木婦人抱起將竹筒手胸前趕下

聖惠諸痔腫

痛

蠶繭內入男子指甲令滿外用童子頂髮纏裹燒存性研末蜜調傅之仍日日吞牛膽制過槐

子甚效萬

鍼刺入肉

凡鍼折入肉及竹木刺者刮人指甲末用酸棗擣爛

表積善堂方

飛絲入目

刮爪末同津液點之其

出之次日定

聖惠方

絲自聚拔出也危氏得

效物入目中

左手爪甲刀刮屑末燈草蘸點醫上三次即出也

癩痘生醫

同一切目疾

並以木賊擦取爪甲末同硃砂末等分研勻以露水搜丸芥子大每以一

丙 聖惠 目生花 腎 刀刮爪甲 細末和 目生珠管

手爪 甲燒灰 貝齒燒灰 龍骨各半 積年瀉血 百藥

兩爲末 日點三四次 聖惠方 積年瀉血 不效

用 人指甲炒焦 麝香各二錢 半乾薑炮三兩 白礬

枯過 敗皮巾燒灰 各一兩 爲末 每粥飲一錢 日二

服 濟總錄 聖 鼻出衄血 刀刮指甲 細末吹之 簡便方

牙齒 華日 集解 時珍曰 兩旁曰牙 當中曰齒 腎主骨 齒者骨

平而 眞牙生七七 腎氣衰 齒槁髮素 男子八月齒

生八歲 齒齟三八 腎氣平 而眞牙生八八 腎氣衰

齒槁 髮墮 錢乙云 小兒變蒸 蛻齒如花之易

苗不及三十六齒者 由蒸之不及其數也

氣味甘鹹 熱有毒 主治除勞治瘡 蠱毒氣入藥燒

用

藏器

治乳癰未潰痘瘡倒靨

時珍

發明

時珍曰近世用人牙治痘瘡陷伏稱為神品然一槩用之貽害不淺夫齒者腎之標骨之餘也痘瘡則毒自腎出方長之際外為風寒穢氣所冒腠理閉塞血澀不行毒不能出或變黑倒靨

宜用此物以酒麝達之竄入腎經發出毒氣使熱令復行而瘡自紅活蓋刮劑也若伏毒在心昏冒不省人事及氣虛色白癢塌不能作膿熱癩紫泡之證止宜解毒補虛苟誤用此則鬱悶聲啞反成不救可不慎哉高武痘疹管見云左仲恕言變黑歸腎者宜用人牙散夫既歸腎矣人牙豈能復治乎之

附方

舊一痘瘡倒靨 錢氏小兒方用人牙燒存性新七

聞人規痘疹論云人牙散治痘瘡方出風寒外襲或變黑或青紫此倒靨也宜溫肌發散使熱氣復

行而斑自出用人齒脫落者不拘多少瓦罐固濟
煨過出火毒研末出不快而黑陷者獘豬血調下
一錢因服涼藥血澀倒陷者入麝香温酒服之其
效如神○無價散用人牙貓牙豬牙犬牙等分火
煨研末蜜水乳癰未潰貼之牙齒燒研酥調
調服一字
耳出膿血水人牙燒存性麝香少許
生肌用人牙灰油髮灰雄雞內金灰各等分
爲末入麝香輕粉少許油調傳之直指方陰疽
不發頭凹沉黯不疼無熱服內補散不起必用人
當歸麻黃煎酒下外以薑汁和麪傳之○又方川
烏頭硫黃人牙煨過爲末酒服亦妙○楊仁齋直
方指

人屎

別錄

附人中黃

釋名人糞

別錄

大便

時珍曰屎糞乃糟粕所化故字從米會意也

氣味苦寒無毒主治時行大熱狂走解諸毒擣末

沸湯沃服之

別錄

傷寒熱毒水漬飲之彌善新者封

疔腫一日根爛

蘇頌

骨蒸勞復癰腫發背瘡漏痘瘡

不起

時珍

糞清釋名黃龍湯

弘景還元水

菽園

人中黃

弘景曰

人以空罌塞口納糞中積年得汁甚黑而苦名爲黃龍湯療瘧病垂死者皆瘥大明曰臘月截淡竹去青皮浸滲取汁治天行熱疾中毒名糞清浸阜莢甘蔗治天行熱疾名人中黃震亨曰人中黃以竹筒入甘草末于內竹木塞兩頭冬月浸糞缸中立春取出懸風處陰乾破竹取草曬乾用汪機曰

用椶皮綿紙上鋪黃土澆糞汁淋土上瀝取清汁
人新甕內盪覆定埋土中一年取出清若泉水全
無穢氣年久者彌佳
比竹筒滲法更妙
主治天行熱狂熱疾中毒葷

毒惡瘡大熱毒溼毒大解五臟實熱飯和作丸清

痰消食積降陰火震亨

附方舊十三新二十**勞復食復**人屎燒灰酒服方**熱病發**

狂奔走似癲如見鬼神久不得汗及不知人事者

研末新汲水服三錢**大熱狂渴**乾陳人屎爲末于

未退再服斗門方**大熱狂渴**陰地淨黃土中作

五六寸小坑將末三兩匙于坑中以新汲水調勻
良久澄清細細與飲卽解世俗謂之地清
爽衍**勞極骨蒸**亦名伏連傳尸此方甚驗用人屎
義**勞極骨蒸**小便各一升新粟米飯五升六月

六日麩半餅以瓶盛封密室中二七日並消亦無
惡氣每旦服一合午再服之神效張文仲備急

方**骨蒸熱勞**取人尿乾者燒令外黑納水中澄清
每旦服一乾者燒令外黑納水中澄清

以瘥為度既常服可作坑燒尿三升夜以水三
升漬之稍稍減服此方神妙非其人莫浪傳之

外臺**嘔血吐痰**心煩骨蒸者人中黃為末每服三
秘要**嘔血吐痰**錢苦根汁竹瀝薑汁和勻服之

丹溪**鼻衄不止**人尿尖燒灰水服一二**噎膈反胃**
心法**鼻衄不止**錢并吹鼻中千金方

諸藥不效真阿魏一錢野外人尿三錢為末五
更以薑片蘸食能起死人乃趙王困方也永類

鈴**噎食不下**人尿入蘿蔔內火煉三炷香取研每
方**噎食不下**服三分黃酒下三服效海上名方

痘瘡不起儒門事親治痘瘡倒靨及灰白下陷用
童子糞乾者新瓦煨過每一兩入龍腦

一分研勻每服半錢至一錢蜜水調下○四靈無
價散治痘瘡黑陷腹脹危篤者此為剗劑用人糞

價散治痘瘡黑陷腹脹危篤者此為剗劑用人糞

貓糞豬糞犬糞等分臘月初旬收埋高燥黃土密

內至臘八日取出砂罐盛之鹽泥固濟炭火煨令

烟盡為度取出為末入麝香少許研勻瓷器密封

收之一歲一字二歲半錢三歲一錢蜜水調下須

用火化者從治之義也發背欲死之乾即易和傳

後一切癰腫以豆大津調貼頭外以醋麪作錢研勻

之膿潰去藥疔腫初起刮破以熱尿尖傅之乾即

癩宗爽衍義塗之良飲二合并九漏有蟲乾人

千金五色丹毒黃龍湯飲千金方九漏有蟲乾人

牛屎隔綿貼之蟲聞其氣即出疔蝕口鼻者綿裹

若癢則易之蟲盡乃止千金疔蝕口鼻者綿裹

人屎貼之必有蟲小兒唇緊人屎灰傅之小兒陰

出十便良方小兒唇緊人屎灰傅之小兒陰

瘡人屎灰傅之產後陰脫人屎炒赤為末酒服方

外臺秘要產後陰脫人屎炒赤為末酒服方

千金方

鬼舐頭瘡

取小兒糞和臘豬脂傅之

金瘡腸出

乾人屎末粉之即入

金方千鍼瘡血出

傳之不止用人屎燒研

馬血入瘡

腫痛

糞一雞子大服之

毒蛇咬螫

人屎厚封之

蠱毒百

毒

及諸熱毒時氣熱病口鼻出血用人屎尖七枚燒灰水調頓服溫覆取汗即愈勿輕此方神驗

者也

外諸毒卒惡

熱悶欲死者新糞汁水和服或乾者燒末漬汁飲名破棺

湯蘇恭

解藥箭毒

毒箭有三種交廣夷人用焦銅作箭鏃嶺北諸處以蛇毒螫物汁著

筒中潰箭鏃此二種纔傷皮肉便洪膿沸爛而死

若中之便飲汁并塗之惟此最妙又一種用射罔

煎塗箭鏃亦宜此方野葛芋毒

山中毒菌

欲死

飲糞汁一升即

漏肉脯毒

人屎燒灰酒服方

惡犬

姚僧坦集驗方

此方

者並

咬傷左盤龍卽人糞也厚封之心腹急痛欲死用人尿同

蜜插勻新汲水化下生編

小兒胎尿綱

主治惡瘡蝕肉除面印字一月卽瘥藏器治小兒

鬼舐頭燒灰和臘豬脂塗之時珍

人尿奴弔切亦作溺別錄

釋名素問小便素問輪迴酒綱目還元湯時珍曰尿從

也方家謂之輪迴酒還元湯隱語也飲入于胃遊

盜精氣上輸于脾脾氣散精上歸于肺通調水道

下輸膀胱水道者關門也主分泌水穀糟粕入于

大腸水汁滲入膀胱膀胱者州都之官津液之府

本草綱目人部卷五十二小兒胎尿人尿

氣化則能出矣陰陽應象論云清陽爲天濁陰爲地地氣上爲雲天氣下爲雨故清陽出上竅濁陰出下竅

氣味鹹寒無毒**主治**寒熱頭痛溫氣童男者尤良

別錄主久嗽上氣失聲及癥積滿腹蘇恭明目益聲潤

肌膚利大腸推陳致新去欬嗽肺痿鬼氣疰病停

久者服之佳恐冷則和熱湯服藏器止勞渴潤心肺

療血悶熱狂撲損瘀血在內運絕止吐血鼻衄皮

膚皴裂難產胎衣不下蛇犬咬大明滋陰降火甚速

震亨殺蟲解毒療瘡中喝時珍

發明

弘景曰若人初得頭痛直飲人尿數升亦多

者佳產後溫飲一盃壓下敗血惡物有飲過七日

者過多恐久遠血臟寒令人發帶病人亦不覺若

氣血虛無熱者尤不宜多服此物性寒故熱勞方

中用之震亨曰小便降火甚速常見一老婦年逾

八十貌似四十詢其故常有惡病人教服人尿四

十餘年矣且老健無他病而何謂之性寒不宜多

服耶凡陰虛火動熱蒸如燎服藥無益者非小便

不能除時珍曰小便性溫不寒飲之入胃隨脾之

氣上歸于肺下通水道而入膀胱乃其舊路也故

能治肺病引火下行凡人精氣清者為血濁者為

氣濁之清者為津液清之濁者為小便小便與血

同類也故其味鹹而走血治諸血病也按褚澄遺

書云人喉有竅則欬血殺人喉不停物毫髮必欬

血既滲入愈滲愈欬愈欬愈滲惟飲溲溺則百不

一死若服寒涼則百不一生又吳球諸証辨疑云

諸虛吐衄咯血須用童子小便其效甚速蓋溲溺

滋陰降火消瘀血止吐衄諸血但取十二歲以下
童子絕其烹炮鹹酸多與米飲以助水道每用一
蓋入薑汁或非汁二三點徐徐服之日進二三服
寒天則重湯溫服久自有效也又成無已云傷寒
少陰證下利不止厥逆無脈乾嘔欲飲水者加人
尿豬膽汁鹹苦寒物于白通湯薑附藥中其氣相
從可去格
拒之患也

附方

舊七新
三十八
頭痛至極
童便一分蓋鼓心半合同煎

熱病咽痛

童便三合含之
聖惠方
骨蒸發熱
三歲童便五

以蜜三匙和之每服二盃半日更服此後常取自
己小便服之輕者二十日重者五十日瘥二十日
後當有蟲如蚰蜒在身常出十步內聞病人小
臭者瘥也臺州丹仙觀道士張病此自服神驗
孟誥**男婦怯証**尾日進二次乾燒餅壓之片餘全
必效

愈聖惠久嗽涕唾肺痿時時寒熱頰赤氣急用童便

寸四破浸之露一夜去甘草平旦頓服或入甘草末一錢同服亦可一日一劑童子忌食五辛蒸物

坦集驗肺痿欬嗽姚僧鬼氣症病服之久臭溺日溫

吐血鼻衄人溺薑汁和勻服齒縫出血童便溫熱

惠方聖消渴重者眾人溺坑中水取一盞服之勿癢

積滿腹諸藥不瘥者人溺一服一升下血絞腸沙

痛童子小便服之卒然腹痛令人騎其腹下痢

休息杏仁去皮麩炒研以豬肝一具切片水洗血

二升同煎乾放冷任瘡疾渴甚頓服和蜜煎沸瘡

本草綱目卷八下 聖惠方 二人尿

癘諸瘡

無問新久童便一升入白蜜二匙攪去白沫頓服取吐碧綠痰出為妙若不終不

除也

中暈昏悶

夏月人在途熱死急移陰處

聖惠

滿暖氣透臍

掬道上熱土擁臍上作窩令人濕

此法

出自張仲景

乃服地漿蒜水等藥○林億云

所能

關實救急之

大術也蓋臍乃命蒂中惡不醒

暑暈傷氣溫臍

所以接其元氣之意

一切氣塊

令人尿其面上

卽甦此三十年癩

一切氣塊

扁鵲法也

肘後方

一切氣塊

宿冷惡病

苦參二斤童子小便一斗二升煎取六升和糯米及麴如常法作酒服但腹中

諸疾皆治酒放二三年不

聖惠

金瘡中風洗二三次不

妨入水

金瘡出血

不止飲人尿五

打傷瘀血攻心

尿煎服

蘇恭本草

折傷跌撲

陳致新其功甚大○推

薛已云予在居庸見覆車被傷七人仆地呻吟俱

合灌此皆得無事凡一切傷損不問壯弱及有無

瘵血俱宜服此若脇脹或作痛或發熱煩躁口渴

惟服此一甌勝似他藥他藥雖效恐無瘵血反致

誤人童便不動臟腑不傷氣血萬無一杖瘡腫毒

失軍中多用此屢試有驗外科發揮

服童便良方火燒悶絕不省人事者新尿頓服刺在

肉中温小便潰人咬手指卽愈熱尿浸一夜蛇犬

咬傷日華子云以熱尿淋患處○千金方蛇纏人

足就令尿之便蜂蠆螫傷人尿洗之蜘蛛咬毒久

人溺于大甕中坐浸仍取烏雞屎炒浸百蟲入耳

酒服之不爾恐毒殺人陳藏器本草

小便少滴勞聾已久頻滴之小便乘熱少赤目

入聖惠方

腫痛

此自己小便乘熱抹洗即閉目少頃腋下狐臭

自己小便乘熱洗兩腋下日傷胎血結童子小便

洗數次久則自愈集簡方傷胎血結童子小便

日服二升良子死腹中飲之夫尿二升煮沸中土菌

毒合口椒毒人尿飲之解諸菜毒小兒尿和乳

方海上催生下胞人溺一升入葱薑各一分煎二痔

瘡腫痛用熱童尿入礬三分服之救急方

溺白堊音魚觀切唐本草時珍曰滓淀為堊此乃人溺澄下白

釋名人中白堊也風日久乾者為良入藥並以

瓦煨過用

氣味鹹平無毒

大明曰涼

主治鼻衄湯火灼瘡

唐本燒研

主惡瘡

蘇恭

治傳尸熱勞肺痿心膈熱羸瘦渴疾

大明

降火消痰血治咽喉口齒生瘡疔驪諸竅出血肌

膚汗血

時珍

發明

震亨曰人中白能瀉肝火三焦火並膀胱火從小便中出蓋膀胱乃此物之故道也時珍

曰人中白降相火消痰血蓋鹹能潤下走血故也今人病口舌諸瘡用之有效降火之驗也張杲醫

說云李士常苦鼻衄僅存喘息張思順用人中白散卽時血止又延陵鎮官魯棠鼻血如傾白衣變

紅頭空空然張潤之用人中白藥給之卽止並不作此皆散血之驗也

附方

舊一新

大衄久衄

人中白一團雞子大綿五兩燒研每服二錢溫水服

聖方諸竅出血方同上鼻衄不止五七日不佳者入中白新瓦煨乾入

麝香少許溫酒調服方同上偏正頭痛人中

龍炒等分爲末羊膽汁丸芥子大每新汲水化一丸注鼻中嚙之名一滴金普濟方水氣

腫滿人尿煎令可丸每服一小腳氣成漏跟有孔深半

寸許其痛異常用人中白煨有水出滴入瘡口戴原禮證治要訣小兒霍亂尿滓

上服之良鼻中瘰肉人中白瓦焙每溫湯服痘瘡

千金方臘月收人中白火煨爲末溫水服三錢陷者自出儒門事親口舌生瘡溺

近七分桔礬三分研勻有涎小兒口疳人中白煨

拭去數次卽愈集簡方黃蘗蜜炙焦爲末等分入冰片少許以青皮便益拭淨摻之累效陸氏經驗方走馬牙疳以小

內白屑取下入瓷瓶內鹽泥固濟煨紅研末入麝
香少許貼之此汴梁李提領方也○又方用婦人
尿桶中白垢火煨一錢銅綠三分
麝香一分和勻貼之尤有神效
老糞缸白垢洗淨研末每白湯
或酒服二錢 痘疹便覽方

秋石

蒙

釋名秋冰

時珍曰淮南子丹成號曰秋石言其色白質堅也近人以人中白煉成白質亦

名秋石言其亦出于精氣之餘也再加升打其精
致者謂之秋冰此蓋做海水煎鹽之義方士亦以
鹽入爐火煨成偽者宜辨之嘉謨曰秋石須秋月
取童子溺每缸入石膏末七錢桑條攪澄定傾去
清液如此二三入秋露水一桶攪澄如此數
次滓穢滌淨鹹味減除以重紙鋪灰上曬乾完全
取起輕清在上者爲秋石重濁在下者刮去古人
立名實本此義男用童女溺女用童男溺亦一陰

一陽之道也世醫不取秋時雜收人溺但以阜茨
水澄曬爲陰煉煅爲陽煉盡失于道何合于名媒
利敗人安能應病况
經火煉性卻變温耶

氣味 鹹温無毒 **主治** 虛勞冷疾小便遺數漏精白

濁 時珍 滋腎水養丹田返本還元歸根復命安五臟

潤 三焦消痰欬退骨蒸軟堅塊明目清心延年益

壽 嘉謨

發明 時珍曰 古人惟取人中白人尿治病取其散
血滋陰降火殺蟲解毒之功也王公貴人惡

其不潔方士遂以人中白設法煅煉治爲秋石葉
筭得水雲錄極稱陰陽二煉之妙而瑣碎錄乃云
秋石味鹹走血使水不制火久服令人成渴疾蓋
此物既經煅煉其氣近温服者多是淫慾之人藉

此放肆虛陽妄作眞水愈涸安得不渴耶況甚則
加以陽藥助其邪火平惟丹田虛冷者服之可耳
觀病淋者水虛火極則煎熬成沙成
石小便之煉成秋石與此一理也

附方 新十 **秋石還元丹** 久服去百病強骨髓補元悅

色進食久則臍下常如火暖諸般冷疾皆愈久年
冷勞虛憊者服之亦壯盛其法以男子小便十石

更多尤妙先搗大鍋一口于空室內上用深瓦甑
接鍋口以紙筋杵石灰泥甑縫并鍋口勿令通風

候乾下小便約鍋中七八分以煎乾即人中白也
之若湧出即少漆冷小便候煎乾即人中白也

入好罐子內如法固濟入炭爐中煅之旋取二三
兩再研如粉煮棗瓢和丸如綠豆大每服五七丸

漸加至十五丸空心溫酒或鹽湯下其藥常要近
火或時復養火三五日則功效更大也 經驗良

方 **陰陽二鍊丹** 世之鍊秋石者但得火鍊之法此
藥須兼陰陽二鍊方爲至藥火煉

本草綱目人部 卷五十二 秋石 三

乃陽中之陰得火而凝入水則釋歸于無體蓋質
去味存此離中之虛也水煉乃陰中之陽得水而
凝遇曝而潤千歲不變味去質留此坎中之實也
二物皆出于心腎二臟而流于小腸水火騰蛇玄
武正氣外假天地之水火凝而爲體服之還補太
陽相火二臟實爲養命之本空心服陽煉日午服
陰煉此法極省力與常法功用不侔久疾服之皆
愈有人得瘦疾且嗽諸方不效服此卽瘳有人病
顛腹鼓日久加喘滿垂困亦服此而安也○陽煉
法用人尿十餘石各用桶盛每石入阜莢汁一盃
竹杖急攪百千下候澄去清留涎併作一桶如前
攪澄取濃汁一二斗濾淨入鍋熬乾刮下擣細再
以清湯煮化笱鋪紙淋過再熬如此數次直待
色白如雪方止用沙盒固濟火煨成質傾出如藥
未成更煨一二次候色如瑩玉細研入沙盒內固
濟頂火養七晝夜取出攤土上去火毒爲末棗膏
丸梧子大每空溫酒下三十九○陰煉法用人
尿四五石以大缸盛入新水一半攪千回澄寔去

清留近又入新水攪澄直候無臭氣澄下如膩粉
方以曝乾刮下再研以男兒乳和如膏烈日曬乾
蓋假太陽真氣也如此九度爲末棗膏和丸梧秋
子大每日午溫酒下三十九丸葉石林水雲錄秋
冰乳粉丸 固元陽壯筋骨延年不老卻百病用秋
曬粉五錢乳香二錢五分麝香一分爲末煉蜜丸
芡子大金箔爲衣烏金紙包黃蠟匱收勿令洩氣
每月用乳汁化服一丸仍日飲乳汁助之○秋冰
法用童男童女尿並各一桶入大鍋內桑柴火熬
乾刮下入河水一桶攪化隔紙淋過復熬刮下再
以水淋鍊之如此七次其色如霜或有一斤入罐
內上用鐵燈蓋定鹽泥固濟升打三炷香看秋
石色白如玉再研再如前升打燈蓋上用徐徐
擦之不可多多則不結不可少則不升自辰至
未退火冷定其蓋上升起者爲秋冰味淡而香乃
秋石之精英也服之滋腎水固元陽降痰火其不
升者卽尋常秋石也味鹹苦蘸肉食之亦有小補

楊氏頤真直指秋石丸 治濁氣干清精散而成

蜜油之狀用秋石鹿角膠炒桑螵蛸炙各半兩白

茯苓一兩為末糕糊丸梧子大每服五十丸人參

湯下仁秋石交感丹 治白濁遺精秋石一兩白

齋直指方 秋石交感丹 茯苓五錢菟絲子炒五錢

為末用百沸湯一盞并華水一盞煮糊丸梧 秋石

子大每服百沸湯一盞并華水一盞煮糊丸梧 秋石

四精丸 治思慮色慾過度損傷心氣遺精小便數

末蒸棗肉和丸梧子大每空心 秋石五精丸 常服

鹽湯下三十丸 永類鈴方 秋石五精丸 補益

秋石一兩蓮肉六兩真川椒紅五錢小茴香五錢

白茯苓二兩為末棗肉和丸梧子大每服三十丸

鹽湯温酒空心下 秋石法用童男童女潔淨無

體氣疾病者沐浴更衣各聚一石用潔淨飲食及

鹽湯與之忌葱蒜韭薑辛葷羶腥之物待尿滿缸

以水攪澄取人中白各用陽城瓦罐鹽泥固濟鐵

線紫定打火一炷香連換鐵線打七火然後以男
女者稱勻和作一處研開以河水化之隔紙七層

濾過仍熬成秋石其色雪白用潔淨香濃乳汁和
成日曬夜露但乾卽添乳汁取日精月華四十九

日數足收貯配藥方腫脹忌鹽得腫脹消以鹽飲食

劉氏保壽堂經驗方

罐煨過少用赤白帶下真秋石研末蒸棗肉搗

之空醋湯下噎食反胃秋石每用一錢白湯服丹

發熱有人服伏火丹藥多腦後生瘡熱氣冉冉而

又教以陰煉秋石用大豆黃卷煎湯下

遂愈和其陰陽也王清明餘話方

淋石宋嘉

校正移入此部

集解藏器曰此是患石淋人溺中出者正如小石

收之爲用時珍曰此是淫慾之人精氣鬱結

淋石

淋石

淋石

淋石

本草綱目卷之八 淋石 癖石

陰火煎熬遂成堅質正如滾水結驗鹵
水煎鹽小便煉成秋石同一義理也

氣味鹹温無毒**主治**石淋水磨服之當得碎石隨

溺出大噎病吐食俗名澀飯病

藏

癖石

綱目

集解

時珍曰有人專心成癖及病癥塊凝結成石如牛黃狗寶鮮荅之類皆諸獸之病也觀夫

星隕爲石沙淋石淋及釋氏顱顙結成舍利子皆精氣凝結而然故格物論云石者氣之核也羣書所載如寶圭化石老樹化石皆無情之變異也魚蛇蝦蟹皆能化石乃有情之變異也世說載貞婦登山望夫化而爲石此蓋志一不分遂入于無情也宋史載石工采石陷入石穴三年掘出猶活見風遂化爲石此蓋吞納石氣久而與之俱化也夫生形尙全化石則頑心癥癖之化石亦其理也程

子遺書云波斯人發古墓見肌膚都盡惟心堅如石鋸開中有山水癖遂致融結如此宋濂云一浮屠行女有愛山水癖後焚之惟心不化狀如佛像非大般三昧法示寂後焚之惟心不化狀如佛像非金非石又一人行禪觀法及死火葬心內包觀音像悉具醫書云一人病癥死火化有塊如石此皆癥癖頑凝成石之蹟故併錄之

主治消堅癖治噎膈

時珍

乳汁

別錄

釋名 爛汁 仙人酒

時珍曰乳者化之信故字從孚化省文也方家隱其名謂

之仙人酒生人血白珠砂種種名色蓋乳乃陰血所化生于脾胃攝于衝任未受孕則下為月水既受孕則留而養胎已產則赤變為白上為乳汁此造化玄微自然之妙也邪術家乃以童女矯揉取

乳及造反經爲乳諸說巧立名謂以弄貪愚此皆
妖人所爲王法所誅君子當斥之可也凡入藥並
取首生男兒無病婦人之乳白而稠者佳若色黃
赤清而腥穢如涎者並不可用有孕之乳謂之忌
癩小兒飲之吐瀉成疳
魅之病最爲有毒也

氣味

甘鹹平無毒

大明曰涼

主治補五臟令人肥白悅

澤療目赤痛多淚解獨肝牛肉毒合濃豉汁服之

神效

別錄

和雀屎去目中弩肉

蘇恭

益氣治瘦悴悅皮

膚潤毛髮點眼止淚

大明

發明

弘景曰漢張蒼年老無齒妻妾百數常服人

目之功多何也人心生血肝藏血脾受血則能視
蓋水入于經其血乃成又曰上則爲乳汁下則爲

月水故知乳汁則血也用以點眼豈不相宜血爲
陰故性冷臟寒人如乳餅酥酪之類不可多食雖
曰牛羊乳然亦不出乎陰陽之造化耳老人患口
瘡不能食但飲人熱乳甚良時珍曰人乳無定性
其人和平飲食沖淡其乳必平其人暴躁飲酒食
辛或有火病其乳必熱凡服乳須熱飲若曬曝爲
粉入藥尤佳南史載宋何尚之積年勞病飲婦人
乳而瘥又言穰城老人年二百四十歲惟飲曾孫
婦乳也按白飛霞醫通云服人乳大能益心氣補
腦髓止消渴治風火證養老猶宜每用一吸卽以
紙塞鼻孔按唇貼齒而漱乳與口津相和然後以
鼻內使氣由明堂入腦方可徐徐嚥下如此五七
吸爲一度不漱而吸何
異飲酪止于腸胃而已

附方

舊三新

服乳歌

仙家酒仙家酒兩箇壺盧盛
斗五行釀出真醍醐不離

人閒處處有丹田若是乾涸時嚥下重樓潤
枯朽清晨能飲一升餘返老還童天地久
虛損

本草綱目
卷五十一
三

勞瘵 德生丹用無病婦人乳三酒盃將磁碟曬極
熱置乳于中次入麝香末少許木香末二分

調勻服後飲濃茶一酒盃即陽敗次日服接命丹
接命丹服用乳三酒盃如前曬碟盛人乳并人胞末

一具調服畢面膝俱赤如醉思虛損風疾 接命
睡只以白粥少少養之集簡方

男婦氣血衰弱痰火上升虛損之證又治中風不
語左癱右緩手足疼痛動履不便飲食少進諸證

用人乳二盃香甜白者為佳以好梨汁一盃和勻
銀石器內頓滾滾每日五更一服能消痰補虛生

血延壽此乃以人補人其中風不語 舌根強硬三
妙無加攝生眾妙方

人乳汁五合相和研以生布絞汁隨卒不得語 乳
時少與服良久當語 聖惠方

半合美酒半升失音不語 人乳竹瀝各二月經不
和服 范汪方

通合日飲 千金方 眼熱赤腫 人乳半合古銅錢十文
銅器中磨合變色稀稠

成煎瓶收日點數次或以乳初生不尿人乳四合

浸黃連蒸熱洗之聖惠方初生吐乳人乳二合籩條一

煎滾分作四服即利初生吐乳少許鹽二粟大同

煎劉涓子鬼遺方與癰膿不出人乳汁和麩傅之

服沸入牛黃米許方癰膿不出比曉膿盡出不可

近手劉涓子鬼遺方人乳桐油等分勻以噉蛇牛

千金方廉脛生瘡人乳掃塗神效和勻以噉蛇牛

毒牛噉蛇者毛髮向後其肉殺人但中牛馬毒人

飲之良百蟲入耳人乳滴之即聖惠方

飲之良百蟲入耳人乳滴之即聖惠方

飲之良百蟲入耳人乳滴之即聖惠方

婦人月水 宋嘉祐附月經衣

釋名月經素問天癸素問紅鉛時珍曰女子陰類也以

下應海潮月有盈虧潮有朝夕月事一月一行與

本草綱目人部卷五十一婦人月水附月經衣

也天癸者天一水也邪術家謂之紅鉛謬名也
女人之經一月一行其常也或先或後或通或塞
其病也復有變常而古人並未言及者不可不知
有行期只吐血衄血或眼耳出血者是謂逆行有
三月一行者是謂居經俗名按季有一年一行是
謂避年有一生不行而受胎者是謂暗經有受胎
之後月月行經而產子者是謂盛胎俗名垢胎有
受胎數月月血忽大下而胎不墮者是謂漏胎此雖
以氣血有餘不足言而亦異于常矣女子二七天
癸至七七天癸絕其常也有女年十二二十三而產
子如褚記室所載平江蘇達卿女十二受孕者有
婦年五十六而產子如遼史所載亟普妻六十
餘生二男一女者此又異常之尤者
也學醫者之于此類恐亦宜留心焉

氣味鹹平無毒主治解毒箭并女勞復

景弘

月經衣主治金瘡血湧出炙熱熨之又主虎狼傷

及箭鏃入腹

藏器

發明

其時珍曰女入月惡液腥穢故君子遠之為

脩煉性命者皆避忌之以此也博物志云扶南國

有奇術能令刀斫不入惟以月水塗刀便死此是

穢液壞人神氣故合藥忌觸之此說甚為有據今

有方士邪術鼓弄愚人以法取童女初行經水服

食謂之先天紅鉛巧立名色多方配合謂參同契

之金華悟真篇之首經皆此物也愚人信之吞燕

穢滓以為祕方往往發出丹瘕殊可嘆惡按蕭了

真金丹詩云一等旁門性好淫強陽復去採他陰

口含天癸稱為藥似恁如沮枉用心嗚呼

愚人觀此可自悟矣凡紅鉛方今並不錄

附方

舊七熱病勞復丈夫熱病後交接復發忽卯

經赤衣為末熟水服方女勞黃疸氣短聲沈用女

寸匕即定扁鵲方

燒灰酒服方寸匕一日再霍亂困篤童女月經衣

服方寸匕百方不瘥小兒驚癩發熱取月候血和

者用之瘥量兒令婦不妬于廁前一尺入地五寸

加減聖惠方埋之張癰疽發背一切腫毒用胡燕窠土鼠全

華博物志癰疽發背以女人月經衣水洗取汁和傳腫上乾即男子陰

易之潰者封其四圍五日瘥千金方瘡因不忌月事行房陰物潰爛用室女解藥箭毒

交州夷人以焦銅為毒藥于鏃鋒上中人即沸箭

鏃入腹或肉中有聚血以婦人月經衣馬血入瘡

剝馬刺傷效以婦人月水塗之神虎狼傷瘡月經

末酒服方寸匕
日三
陳藏器

人血

遺拾

集解

時珍曰血猶水也水穀入于中焦必別薰蒸

焦受汁變化而赤行于隧道以奉生身是之謂血

命曰營氣血之與氣異名同類清者爲營濁者爲

衛營行于陰衛行于陽氣主煦之血主濡之血體

屬水以火爲用故曰氣者血之帥也氣升則升氣

降則降氣熱則行氣寒則凝火活則紅火死則黑

邪犯陽經則上逆邪犯陰經則下流蓋人身之血

皆生于脾攝于心藏于肝布于肺而施化于腎也

仙家煉之化爲白汁陰盡陽純也萇弘死忠血化

爲碧人血入土年久

爲燐皆精靈之極也

氣味鹹平有毒主治羸病人皮肉乾枯身上麩片

起又狂犬咬寒熱欲發者並刺血熱飲之

藏器

發明

時珍曰肉乾麩起燥病也不可卒潤也飲人血以潤之人之血可勝刺乎夫潤燥治狂犬

之藥亦夥矣奚俟于此耶始作方者不仁甚矣其無後乎虐其殘賊亦有以酒飲人血者此乃天戮

之民必有其報不必責也諸方用血惟不悖于理者收附于下

附方

新吐血不止就用以麥蘗冬湯調服蓋血不

歸元則積而上逆以血導血歸血血不止聖濟總

元則止矣吳球諸証辨疑血歸血血不止錄用白

紙一張接衄血合滿于燈上燒灰作一服新汲水

下勿與病人知○儒門事親就用本衄血紙燃蘸

點左此法大妙

右金瘡內漏水和服之

乳血運

取大服之產婦血如小兒赤疵取血貼之

卽落千金方
小兒疔目
以鍼決其四邊取患瘡膿汁傳
之忌水三月卽潰落也
千金

人精

宋嘉祐

集解

時珍曰營氣之粹化而爲精聚于命門命門

養而充之可得三升損而喪之不及一升謂精爲
竣者精非血不化也謂精爲寶者精非氣不養也
故血盛則精長氣聚則精盈邪術家蠱惑愚人取
童女交媾飲女精液或以己精和其天癸吞嚥服
食呼爲鉛汞以爲祕方放恣貪淫甘食穢滓促其
天年吁愚之甚矣又將誰尤按鮑景翔云神爲氣
主神動則氣隨氣爲水母氣聚則水生故人之
身貪心動則津生哀心動則淚生愧心動則汗生
慾心動則精生

氣味甘溫主治和鷹屎滅癩
塗金瘡血出湯火

瘡時珍

附方

舊三新一

面上麝子

人精和鷹屎數日愈

白塗之

身面粉

瘤

人精一合青竹筒盛于火上燒以器承取汁密封器中數數塗之取效止

瘰癧

腫毒

女人精汁

湯火傷灼

令人痛易愈無痕肘後頻塗之

之○千金用女人精汁頻塗之

口津唾

綱目

釋名靈液

綱目

神水

綱目

金漿

綱目

醴泉

時珍曰

人舌下

心氣兩竅通腎液心氣流入舌下為靈液道家謂之金漿玉醴溢為醴泉聚為華池散為津液降為甘露所以灌水灌溉臟腑潤澤肢體故脩養家嚥津納氣謂之清水灌溉靈根人能

終日不唾則精氣常留顏色不槁若久唾則損精氣成肺病皮膚枯涸故曰遠唾不如近唾近唾不如此不唾人有病則心腎不交腎水不上故津液乾而真氣耗也秦越人難經云腎主五液入肝爲淚入肺爲涕入脾爲涎入心爲汗自入爲唾也

氣味甘鹹平無毒主治瘡腫疥癬皴皸五更未語者頻塗擦之又明目退醫消腫解毒辟邪粉水銀

時珍

發明

時珍曰唾津乃人之精氣所化人能每日漱

口擦齒以津洗目及常時以舌舐拇指甲揩目久久令人光明不昏又能退醫凡人自然毒散每日令人以舌舐數次久則真氣熏及自然毒散腎退也范東陽方云凡人屬死不得叫呼但痛咬腳跟及拇指甲際多唾其面徐徐喚之自省也按

黃震日抄云晉時南陽宗定伯夜遇鬼問之答曰
我新死鬼也問其所惡曰不喜唾耳急持之化爲
羊恐其變化因大唾之賣
得千錢乃知鬼眞畏唾也

附方

新代指腫痛以唾和
白礮砂搜麩作盃子盛
唾令滿著礮末少許以指浸之

一日卽瘥
千金方手足發癩

以白梁米粉鐵鏞炒赤研末
以眾人唾和傅厚一寸卽消

後方肘腋下狐氣

用自已唾擦腋下數遍過以指甲去
其垢用熱水洗手數遍如此十餘

日則愈
毒蛇螫傷

急以小便洗去血隨取口中唾
頻塗之楊拱醫方摘要

齒近

音居近切
宋嘉祐

釋名齒垢

氣味鹹温無毒主治和
黑蝨研塗出箭頭及惡刺

破癰腫

蘇恭

塗蜂螫

時珍

附方

新二

竹木入肉

鍼撥不盡者以人齒垢封之

毒

蛇螫傷

先以小便洗去血次以牙莖封而護之甚妙且不腫痛

醫方摘要

人汗

綱目

集解

時珍曰汗出于心在內則爲血在外則爲汗故曰奪汗者無血奪血者無汗

氣味鹹有毒飲食食之令人生疔毒

時珍

眼淚

綱目

集解

時珍曰淚者肝之液五臟六腑津液皆上滲于目凡悲哀笑欬則火激于中心系急而臟

腑皆搖搖則宗脈感而液道開津上溢故涕泣出焉正如甑上水滴之意也

氣味鹹有毒凡母哭泣墮子目令子傷睛生醫

時珍

人氣

綱目

主治下元虛冷日令童男女以時隔衣進氣臍中

甚良凡人身體骨節痹痛令人更互呵熨久久經

絡通透又鼻衄金瘡噓之能令血斷

時珍

發明

時珍曰醫家所謂元氣相火仙家所謂元陽真火一也天非此火不能生物人非此火不

能有生故老人虛人與二七以前少陰同寢藉其薰蒸最爲有益杜甫詩云暖老須燕玉正此意也但不可行淫以喪寶促生耳近時術家令童女以氣進入鼻竅臍中精門以通三田謂之接補此亦小法不得其道者反以致疾按謝承續漢書云太醫史循宿禁中寒疝病發求火不得眾人以口更

噓其背至旦遂愈劉敬叔異苑云孫家奚奴治虎
傷蛇噬垂死者以氣禁之皆安又葛洪抱朴子云
人在氣中氣在人中天地萬物無不須氣以生善
行氣者內以養身外以卻惡然行之有法從子至
巳爲生氣之時從午至亥爲死氣之時常以生氣
時鼻中引氣入多出少閉而數之從九九八八七
七六六五五而止乃微吐之勿令耳聞習之既熟
增至千數此爲胎息或春食東方青氣夏食南方
赤氣秋食西方白氣冬食北方黑氣四季食中央
黃氣亦有大效故善行氣者可以避飢渴可以延
年命可以行水上可以居水中可以治百病可以
入瘧疫以氣噓水則水逆流噓火則火遙滅噓沸
湯則手可探物噓金瘡則血卽自止噓兵刃則刺
不能入噓箭矢則矢反自射噓犬則不吠噓虎狼
則伏退噓蛇蜂則不動吳越有禁呪行氣之法遇
有大疫可與同牀不相傳染遇有精魅或聞聲或
現形擲石放火以氣禁之皆自絕或毒蛇所傷噓
之卽愈若在百里之外遙以我手噓呪男左女右

亦卽可安夫氣出于無形用之其效至此而況絕
穀延年乎時珍按此卽吾內養浩然靈氣也符篆
家取祖氣卽此但彼徒皆
氣餒庸人依倣安得驗哉

人魄

綱目

集解

時珍曰此是縊死人其下有物如麩炭卽時
掘取便得稍遲則深入矣不掘則必有再縊

之禍蓋人受陰陽二氣合成形體魂魄聚則生散
則死死則魂升于天魄降于地魄屬陰其精沉淪
入地化爲此物亦猶星隕爲石虎死目光墜
地化爲白石人血入地爲磷爲碧之意也

主治鎮心安神魄定驚怖顛狂磨水服之

時珍

鬚鬚

證類

集解

時珍曰鬚上曰鬚頤下曰鬚
兩頰曰鬚詳見亂髮下

主治燒研傅癰瘡

慎微

發明

慎微曰唐李勣病醫云得鬚灰服之方止太宗聞之遂自剪鬚燒灰賜服復令傅癰立愈

故白樂天詩云剪鬚燒藥賜功臣又宋呂夷簡疾仁宗曰古人言鬚可治疾今朕剪鬚與之合藥表朕意也

陰毛

拾遺

主治男子陰毛主蛇咬以口含二十條嚙汁令毒

不入腹

藏器

橫生逆產用夫陰毛二七莖燒研豬膏

和丸大豆大吞之

千金方

婦人陰毛主五淋及陰陽

易病

時珍

附方

新陰陽易病病後交接卵腫或縮入腹絞痛

以洗陰水飲之

聖濟總錄

牛脹欲死

婦人陰毛燒灰飲服仍

即愈外臺祕要

人骨

拾遺

集解

時珍曰許慎云骨者肉之核也靈樞經云腎主骨有骨度篇論骨之大小長短廣狹甚詳

書見本

主治骨病接骨賺瘡並取焚棄者

藏器

發明

時珍曰古人以掩暴骨爲仁德每獲陰報而方伎之流心乎利欲乃收人骨爲藥餌仁術

固如此乎且犬不食犬骨而人食人骨可乎父之

白骨惟親生子刺血瀝之即滲入又酉陽雜俎云

荆州一人損脛張七政飲以藥酒破肉去骨一片

塗膏而愈三年復痛張曰所取骨寒也尋之尙在

牀下以湯洗綿裹收之其痛遂止氣之相應如此孰謂枯骨無知乎仁者當悟矣

附方

新代杖 燒過人骨為末空心酒服三錢受杖
四代杖 不腫不作瘡久服皮亦厚也 醫林

集**接骨** 燒過童子骨一兩乳香二錢喜紅絹一方
要接骨 燒灰為末熱酒調服先以桐木片紮定立

效**醫賺瘡** 燒過人骨碎者為**折傷** 死童子骨煨
林集要賺瘡 末搽之壽域神方 折傷 過香瓜子仁

炒乾為末好酒下止
痛極速扶壽精方

天靈蓋

宋開寶

釋名腦蓋骨

綱目**仙人蓋** 綱目**頭顱蓋** 志曰此乃死人
目綱目**頭顱蓋** 頂骨十字解者

方家婉其名耳藏器曰此是天生天賜蓋押一身
之骨顱門未合即未有也時珍曰人之頭圓如蓋

穹窿象天泥丸之宮神靈所集脩煉家取坎補離
復其純乾聖胎圓成乃開顱顱而出入之故有天

靈蓋諸名也

脩治

藏器曰凡用彌腐爛者乃佳有一片如三指闊者取得用塘灰火罨一夜待醒穢氣盡卻

用童男溺于甕鍋子中煮一伏時漉出于屋下掘一坑深一尺置骨于中一伏時其藥魂歸神妙陽人使陰人使陽好古曰方家有檀香湯洗過酥炙用或燒存性者男骨色不赤女骨色赤以此別之也

氣味鹹平無毒

時珍曰有毒

主治傳尸尸疰鬼氣伏連

久瘴勞瘧寒熱無時者燒令黑研細白飲和服亦

合丸散用

開寶

治肺痿乏力羸瘦骨蒸盜汗等酥炙

用退心經蘊寒之氣

本草權度

發明

楊士瀛曰天靈蓋治尸疰尸疰者鬼氣也伏

飛越

不復附人故得瘥也陳承曰神農本經人部

惟髮

髮一物其餘皆出後世醫家或禁術之流奇

怪之

倫耳近見醫家用天靈蓋治傳尸病未有一

效殘

忍傷神殊非仁人之用心苟有可易仁者宜

盡心

焉必不得已則宜以

年深

漬朽絕尸氣者可也

附方

新舊十一天靈蓋散追取勞蟲天靈二指大以檀

遍云

雷公神電母聖逢傳尸便須定急急如律令

尖檳

榔五枚阿魏二分麝香三分辰砂一分安息

香三

分甘遂三分爲末每服三錢用童便四升入

銀石

器內以葱白薤白各二七莖青蒿二握桃枝

甘草

各二莖五寸長者柳枝桑枝酸榴枝各二莖

七寸

長同煎至一升分作二次五更初調服前藥

一服

蟲不下約人行十里又進一服天明再進取

下蟲

物名狀不一急掄入油鐺煎之其蟲觜青赤

黃色可治黑白色難治然亦可斷傳染之患凡脩
合先須齋戒于遠處淨室勿令病人聞藥氣及雞
犬貓畜孝子婦人一切觸穢之物見之蟲下後以
白粥補之數日之後夢人哭泣相別是其驗也
上清紫**虛損骨蒸**以千金方用天靈蓋如梳大炙黃
庭仙方也○張文仲備急方用人頭骨炙三兩麝
死牛兩為末擣干杵丸梧子大每服七丸飲下日
再服若胸前有青脈出者以**小兒骨蒸**體瘦心煩
鍼刺看血色未黑者七日瘥**諸瘡寒熱**天靈蓋酥
炙黃連等分研末每服半錢**諸瘡寒熱**天靈蓋燉
米飲下日二服聖惠方**諸瘡寒熱**研末水服
一字取效**膈氣不食**天靈蓋七箇每箇用黑豆四
聖惠方**膈氣不食**十九粒層層隔封水火升降
楊梅色冷定取出去豆不用研末**青盲不見**方見
每服一錢温酒下孫氏集效方**青盲不見**龍腦
香**瘡陷伏**灰平不長煩躁氣急用天靈蓋燒研
下**瘡陷伏**酒服三分○一方入雄黃二分其瘡

自然起發
痘疹經驗方
下部疔瘡
天靈蓋煨研末先以黃藥

方入紅褐小紅棗等分
同燒研劉氏經驗方
廉瘡溼爛人頂骨燒研二

絲硫黃一錢為末用冬蘿葡英陰乾
熬水洗之乃貼劉松石保壽堂方
小兒白禿豆

鬪髀骨各燒灰等分以臘豬
脂和塗姚僧坦集驗方

人胞

拾遺

釋名胞衣
拾遺胎衣
綱目紫河車
綱目混沌衣
綱目混元母

蒙佛袈裟
綱目仙人衣
時珍曰人胞包人如衣故曰
胞衣方家諱之別立諸名焉

丹書云天地之先陰陽之祖乾坤之橐籥鉛汞之
匡廓胚胎將兆九九數足我則乘而載之故謂之

河車其色有紅有綠
有紫以紫者為良

脩治

吳球曰紫河車古方不分男女近世男用男
女用女一云男病用女女病用男初生者爲

佳次則健壯無病婦人者亦可取得以清米泔攪
淨竹器盛于長流水中洗去筋膜再以乳香酒洗
過篾籠盛之烘乾研末亦有瓦焙研者酒煮搗爛
者甑蒸搗曬者以蒸者爲佳董炳云今人皆酒煮
火焙及去筋膜大誤矣火焙水煮其子多不育惟
蒸搗和藥最良筋膜乃初結真氣不可剔去也

氣味甘鹹温無毒主治血氣羸瘦婦人勞損面黧

皮黑腹內諸病漸瘦者治淨以五味和之如餽餌

法與食之勿令婦知

藏器○餽
音甲餅也

治男女一切虛損

勞極癩癩失志恍惚安心養血益氣補精

吳球

發明

震亨曰紫河車治虛勞當以骨蒸藥佐之氣
虛加補氣藥血虛加補血藥以側柏葉烏藥

葉俱酒灑九蒸九曝同之爲丸大能補益名補腎丸時珍曰人胞雖載于陳氏本草昔人用者尤少近因丹溪朱氏言其功遂爲時用而括蒼吳球始創大造丸一方尤爲世行其方藥味平補雖無人胞亦可服餌其說詳見本方下按隋書云琉球國婦人產乳必食子衣張師正倦游錄云八桂獠人產男以五味煎調胞衣會親啖之此則諸獸生子自食其衣之意非人類也崔行功小兒方云凡胎衣宜藏于天德月德吉方深埋緊築令男長壽若爲豬狗食令兒顛狂蟲蟻食令兒瘡癬烏鵲食令兒惡死棄于火中令兒瘡爛近于社廟污水井竈街巷皆有所禁按此亦銅山西崩洛鐘東應自然之理也今復以之蒸煑炮炙和藥擣餌雖曰以人補人取其同類然以人食人獨不犯崔氏之禁乎其異于琉球獠人者亦幾希矣

附方

新舊一河車丸

治婦人瘵疾勞嗽虛損骨蒸等證用紫河車初生男子者一具

以長流水中洗淨熟煮擘細焙乾研山藥二兩人
 參一兩白茯苓半兩為末酒糊丸梧子大麝香養
 七日每服三五丸溫**大造丸**吳球云紫河車即
 服鹽湯下永類鈴方**大造丸**胞衣也兒孕胎中
 臍系于胞胞系母脊受母之蔭父精母血相合生
 成真元所鍾故曰河車雖稟後天之形實得先天
 之氣超然非他金石草木之類可比愚每用此得
 效用之女人尤妙蓋本其所自出各從其類也若
 無子及多生女月水不調小產難產人服之必主
 有子危疾將絕者一二服可更活一二日其補陰
 之功極重百發百中久服耳聰目明鬚髮烏黑延
 年益壽有奪造化之功故名**大造丸**用紫河車一
 具男用女胎女用男胎初生者米泔洗淨新瓦焙
 乾研末或以淡酒蒸熟擣曬研末氣力尤全且無
 火毒敗龜版年久者童便浸三日酥炙黃二兩或
 以童便浸過石上磨淨蒸熟曬研尤妙黃蘗去皮
 鹽酒浸炒一兩半杜仲去皮酥炙一兩半黃蘗去
 苗酒浸曬一兩二錢肥生地黃二兩半入砂仁六

錢白茯苓二兩絹袋盛入瓦罐酒煮七次去茯苓
砂仁不用杵地黃爲膏聽用天釀冬去心麥釀冬
去心人參去蘆各一兩二錢夏月加五味子七錢
各不犯鐵器爲末同地黃膏入酒米糊丸如小豆
大每服八九十丸空心鹽湯下冬月酒下女人去
龜板加當歸二兩以乳煮糊爲丸男子遺精女子
帶下並加牡蠣粉一兩○世醫用陽藥滋補非徒
無益爲害不小蓋邪火只能動欲不能生物龜板
黃蘗補陽補陰爲河車之佐加以杜仲補腎強腰
牛膝益精壯骨四味通爲足少陰經藥古方加陳
皮名補腎丸也生地黃涼血滋陰得茯苓砂仁同
黃蘗則走少陰白飛霞以此四味爲天一生水丸
也天麥蘗冬能保肺氣不令火炎使肺氣下行生
水然其性有降無升得人參則鼓動元氣有升有
降故同地黃爲固本丸也又麥蘗冬人參五味子
三味名生脈散皆爲肺經藥此方配合之意大抵
以金水二臟爲生化之原加河車以成大造之功
故也一人病弱陽事大痿服此二料體貌頓異連

生四子一婦年六十已衰憊服此氣壯聲出至九十尤強

健一人病後不能作聲服此氣壯聲出一人病痿

足不任地者半年服此五勞七傷吐血虛瘦用初

後能遠行諸證辨疑五勞七傷生胞衣長流水

中洗去惡血待清汁出乃止以酒煮爛搗如泥入

白茯苓神末和丸梧子大每米飲下百丸忌鐵器

朱氏集久癩失志氣虛血弱者紫河車治淨大小

驗方初生胎衣一具長流水洗淨仍以水浸春三

癩疾夏一秋五冬七日焙乾為末南星二兩川烏一
各半兩白蠟二十箇為末糊丸梧子大硃砂為衣每
箇全蠟二一箇為末糊丸不拘草蟲蛇蠱蟻娘蠱
服五乾坤祕韞解諸蠱毒其狀入咽刺痛欲死取
下衣一具洗切曝乾為末熟目赤生醫胞衣曝乾
胞調服一錢匕梅師方
焙研細末日日傳目
皆中愈乃止千金

胞衣水

拾遺

脩治

藏器曰此乃衣埋地下七八年化為水澄徹如冰南方人以甘草升麻和諸藥瓶盛埋之

三五年後掘出取為藥也

氣味辛涼無毒主治小兒丹毒諸熱毒發寒熱不

歇狂言妄語頭上無辜髮豎虛痞等証天行熱病

飲之立效反胃久病飲一鍾當有蟲出

時珍

初生臍帶

拾遺

釋名命蒂

時珍曰胎在母腹臍連于胞胎息隨母胎出母腹臍帶一

門丹田臍乾自落如瓜脫蒂故臍者人之命蒂也以其當心腎之中前直神闕後直命門故謂之臍

本草綱目

卷五十二

胞衣初生臍帶人勢

臍之爲言齊也

主治 燒末飲服止瘡

藏器

解胎毒傳臍瘡

時珍

附方

新三

臍汁不乾

綿裏落頭末一錢麝香一字

燒研一錢入當

全幼心鑑

預解胎毒

初生小兒十三日以本身剪下臍帶燒灰以乳汁調服可免痘患或

入硃砂少許保幼大全

痘風赤眼

初生小兒臍帶血乘熱點之妙海上方

人勢

綱目

釋名 陰莖

時珍曰人陰莖非藥物也陶九成輟耕錄載杭州沈生犯姦事露引刀自割其

勢流血經月不合或令尋所割勢擣粉酒服不數日而愈觀此則下蠶室者不可不知此法也故附

于此云

主治下蠶室創口不合

時珍

人膽

遺拾

氣味苦涼有毒主治鬼氣尸疰伏連

藏器

久瘧噎食

金瘡

時珍

發明

時珍曰北虜戰場中多取人膽汁傳金瘡云極效但不可再用他藥必傷爛也若先敷他

藥卽不可用此乃殺場救急之法收膽乾之亦可無害于理也有等殘忍武夫殺人卽取其膽和酒飲之云令人勇是雖軍中謬術君子不爲也

附方

新

久瘧連年 噎食不下

用生人膽一箇盛糯米令滿入麝香

少許突上陰乾一半青者治瘧一半黑者治噎並爲末每服十五粒瘧用陳皮湯下噎用通草湯下

普濟方出鬼瘡進退不定者用人膽硃砂雄黃麝香

裹一丸納鼻中卽瘥男左女右一丸可治二人聖惠方

人肉遺拾

主治瘵疾藏

發明時珍曰張杲醫說言唐開元中明人陳藏器

多割股按陳氏之先已有割股割肝者矣而歸咎
陳氏所以罪其筆之於書而不立言以破惑也本
草可輕言哉嗚呼身體髮膚受之父母不敢毀傷
父母雖病篤豈肯欲子孫殘傷其支體而自食其
骨肉乎此愚民之見也按何孟春錄云江伯
兒母病割脇肉以進不愈禱于神欲殺子以謝神
母愈遂殺其三歲子事聞太祖皇帝怒其絕倫滅
理杖而配之下禮部議曰子之事親有病則拜託

良醫至于呼天禱神此懇切至情不容已者若臥
冰割股事屬後世乃愚昧之徒一時激發務爲詭
異以驚世駭俗希求旌表規避徭役割股不已至
于割肝割肝不已至于殺子違道傷生莫此爲甚
自今遇此不在旌表之例嗚呼聖人立教高出干
古遼哉如此又陶九成輟耕錄載古今亂兵食人
肉謂之想肉或謂之兩腳羊此
乃盜賊之無人性者不足誅矣

木乃伊

綱目

集解

時珍曰按陶九成輟耕錄云天方國有人年

啖蜜經月便溺皆蜜旣死國人殮以石棺仍滿用

蜜浸之鐫年月于棺瘞之俟百年後起封則成蜜

劑遇人折傷肢體服少許立愈雖彼中亦不多得

亦謂之蜜人陶氏所載如此不知果有否姑附卷

末以俟

博識

方民

綱目

(李時珍曰)人稟性于乾坤而囿形于一氣橫目二足雖則皆同而風土氣習自然不一是故蝨處頭而黑豕居遼而白水食者腥草食者羶膏梁藜藿腸胃天淵菓褐羅紕肌膚玉石居養所移其不能齊者亦自然之勢也故五方九州水土各異其民生長氣息亦殊乃集方民附于部末以備醫診云

東方海濱傍水魚鹽之地其民食魚而嗜鹹黑色疎理其病多瘡瘍其治宜砭石○西方陵居多風水土剛彊其民不衣而褐華食而肥脂其病生于內其治宜毒藥○北方地高陵居風寒冰冽其民野處而乳食其病臟寒生滿其治宜灸炳○南方

地下水土弱霧露所聚其民嗜酸而食胘緻理而
赤色其病多攣痺其治宜微鍼○中央地平溼其
民食雜而不勞其病多痿躄其治宜導引按蹻素問
九州殊題水泉各異風聲氣習剛柔不同青州其
音角羽其泉鹹以酸其氣舒遲其人聲緩○荆揚
其音角徵其泉酸以苦其氣慄輕其人聲急○梁
州其音商徵其泉苦以辛其氣剛勇其人聲塞○
兗豫其音宮徵其泉甘以苦其氣平靜其人聲端
○雍冀其音商羽其泉辛以鹹其氣駛烈其人聲

捷○徐州其音角宮其泉酸以甘其氣悍勁其人

聲雄

出河圖括地象

堅土之人剛弱土之人懦墟土之人細息土之人

美耗土之人醜

出孔子家語

山林之民毛而瘦得木氣多也川澤之民黑而津
得水氣多也丘陵之民團而長得火氣多也墳衍
之民皙而方得金氣多也原隰之民豐而痺得土

氣多也

出宋太史集

荊州一男二女揚州二男五女青州二男二女兗

州二男三女幽州一男三女并州二男三女豫州

二男三女雍州三男二女冀州五男三女

出周禮

土地生人各以類應故山氣多男澤氣多女水氣多瘖風氣多聾林氣多癰木氣多偃石氣多力下氣多尪巘氣多瘦谷氣多痺丘氣多狂廣氣多仁陵氣多貪暑氣多天寒氣多壽輕土多利重土多遲清水音小濁水音大

湍水人輕遲水人重

中土多聖賢

出淮

南子鴻烈解

人傀

公回切怪異也○綱目

李時珍曰太初之時天地細縕一氣生人乃有男女男女構精乃自化生如草木之始生子一氣而後有根及子爲種相繼也人之變化有出常理之外者亦司命之師所當知博雅之士所當識故撰爲人傀附之部末以備多聞眚咎之徵

易曰一陰一陽之謂道男女構精萬物化生乾道成男坤道成女此蓋言男女生生之機亦惟陰陽造化之良能焉耳齊司徒褚澄言血先至裏精則生男精先至裏血則生女陰陽均至非男非女之身精血散分駢胎品胎之兆道藏經言月水止後一三五日成男二四六日成女東垣李杲言血海

始淨一二日成男三四五日成女聖濟經言因氣而左動陽資之則成男因氣而右動陰資之則成女丹溪朱震亨乃非褚氏而是東垣主聖濟左右之說而立論歸于子宮左右之系諸說可謂悉矣時珍竊謂褚氏未可非也東垣未盡是也蓋褚氏以精血之先後言道藏以日數之奇偶言東垣以女血之盈虧言聖濟丹溪以子宮之左右言各執一見會兩觀之理自得矣夫獨男獨女之胎則可以日數論而駢胎品胎之感亦可以日數論乎稽

之諸史載一產三子四子者甚多其子有半男半
女或男多女少男少女多西樵野記載國朝天順
時揚州民家一產五男皆育成觀此則一三五日
爲男二四六日爲女之說豈其然哉焉有一日受
男而二日復受女之理乎此則褚氏聖濟丹溪主
精血子宮左右之論爲有見而道藏東垣日數之
論爲可疑矣王叔和脈經以脈之左右浮沉辨猥
生之男女高陽生脈訣以脈之縱橫逆順別駢品
之胎形恐亦臆度非確見也王冰玄珠密語言人

生三子主太平人生三女國淫失政人生十子諸
侯競位人生肉塊天下饑荒此乃就人事而論則
氣化所感又別有所關也夫乾爲父坤爲母常理
也而有五種非男不可爲父五種非女不可爲母
何也豈非男得陽氣之虧而女得陰氣之塞耶五

不女螺紋鼓角脈也

螺者牝竅內旋有物如螺也
紋者竅小卽實女也鼓者無

竅如鼓角者有物如角古名陰挺是也
脈者一生經水不調及崩帶之類是也五不男天

健漏怯變也

天者陽痿不用古云天宦是也健者
陽勢闖去寺人是也漏者精寒不固

常自遺洩也怯者舉而不強或見敵不興也變者
體兼男女俗名二形晉書以爲亂氣所生謂之人

癩其類有三有值男卽女值女卽男者有半月陰
半月陽者有可妻不可夫者此皆具體而無用者
也胎足十月而生常理也而有七八月而生者十

二三月生者十四五月生者或云氣虛也虞搏醫
學正傳言有十七八月至二十四五月而生劉敬

叔異苑言太原温磐石母孕三年乃生豈亦氣虛

至于許久耶

今有孕七月而生者多難育七變而入不變也○

魏畧云黃牛羌人孕六月而生○博物志云獠人

孕七月而生○晉書云符堅母孕七月二月生劉媪

母孕十三月生○漢書云堯及昭帝皆以十四月

生○三十國春秋云劉聰母孕十五月乃生○搜

神記云黃帝母名附寶

孕二十五月而生帝胞門子臧爲奇恒之府所

以爲生人之戶常理也而有自脇產自額產自背
產自髀產者何也豈子臟受氣駁雜而其系有不

同如宋史所記男陰生于脊女陰生于頭之類耶

史記云陸終氏娶鬼方之女孕而左脇出三人右
脇出三人六人子孫傳國千年天將興之必有尤
物如脩己背折而生禹簡狄胸折而生契也○魏
志云黃初六年魏郡太守孔羨表言汝南屈雍妻
王氏以五年十月十二日生男兒從右腋下小腹
上而出其母自若無他畏痛今瘡已愈母子全安
○異苑云晉時魏興李宣妻樊氏熙中懷孕不
生而額上有瘡兒從瘡出長爲軍將名胡兒○又
云晉時常山趙宣母妊身如常而髀上作癢搔之
成瘡兒從瘡出母子平安○野史云莆田尉舍之
左有市人妻生男從股髀間出瘡合母子無恙可
証屈雍之事浮屠氏言釋迦生于摩耶之右脇亦

此理也。○嵩山記云：陽翟有婦人妊三十月，乃生子。從母背，上出五歲，便入山學道。○瑯琊鈔云：我朝成化中，宿州一婦孕脇腫如癰，及期兒從癰出，瘡痛隨合。其子名佛記兒。○時珍曰：我明隆慶五年二月，唐山縣民婦有孕，左脇腫起，兒從脇生，俱無恙。陽生陰長，孤陽不生。

獨陰不長，常理也。而有思士不妻而感思女，不夫而孕，婦女生鬚，丈夫出漣，男子產兒者，何也？豈其

氣脈時有變易，如女國自孕，雄雞生卵之類耶？

史記

云姜嫄見巨人跡履之而生，棄有城氏吞玄鳥卵而生契，皆不夫而孕也。○宣政錄云：宋宣和初，朱節妻年四十一，夕領癢至明，鬚長尺餘。○草木子云：元至正間，京師一達婦鬚長尺餘也。○漢書云：南陽李元全家疫死，止一孫初生，數旬蒼頭。李善自哺乳之，乳爲生漣。○唐書云：元德秀兄子襁

祿喪親德秀自乳之數日乳中湮流能食乃止○
宋史云宣和六年都城有賣青果男子孕而生子
蓐母不能收易七人始免而逃去○西樵野記云
明嘉靖乙酉橫涇傭農孔方忽患膨脹憤憤幾數
月自脇產一肉塊剖視之
一兒肢體毛髮悉具也 男生而覆女生而仰溺

水亦然陰陽秉賦一定不移常理也而有男化女

女化男者何也豈乖氣致妖而變亂反常耶京房

易占云男化爲女宮刑濫也女化爲男婦政行也

春秋潛潭巴云男化女賢人去位女化男賤人爲

王此雖以人事言而其臟腑經絡變易之微不可

測也

漢書云哀帝建平中豫章男子化爲女子嫁
人生一子○續漢書云獻帝建安二十年越

雋男子化爲女子○李時珍曰我朝隆慶二年山西御史宋纁疏言靜樂縣民李良兩娶妻張氏已四載矣後因貧出其妻自備于人隆慶元年正月偶得腹痛時作時止二年二月初九日大痛不止至四月內腎囊不覺退縮入腹變爲女人陰戶次月經水亦行始換女粧時年二十八矣○洪範五行傳云魏襄王十三年有女子化爲丈夫○晉書云惠帝元康中安豐女子周世靈以漸化爲男子至十七八而性氣成○又孝武皇帝靈康初南郡女子唐氏漸化爲丈夫○南史云劉宋文帝元嘉二年燕有女子化爲男○唐書云僖宗光啟二年春鳳翔郿縣女子朱齟化爲丈夫旬日而死人異于物常理也而有人化物物化人者何也豈人亦太虛中一物並囿于氣交得其靈則物化人失其靈則人化物耶抑譚子所謂至姪者化爲婦人

至暴者化爲猛虎心之所變不得不變孔子所謂

物老則羣精附之爲五酉之怪者邪

譚子化書云老楓化爲羽

人自無情而之有情也賢婦化爲貞石自有情而

之無情也○世說武昌貞婦望夫化而爲石○宋

史云崑山石工采石陷入石穴三年掘出猶活見

風遂化爲石○幽冥錄云陽羨小吏吳龕于溪中

拾一五色浮石歸置牀頭至夜化爲女子○左傳

云堯殛鯀于羽山其神化爲黃熊入于淵黃熊龍

類也○續漢書云靈帝時江夏黃氏母浴水化爲
龜入于淵○搜神記云魏文帝黃初中清河宋士
宗母浴于室化爲鱉入于水時復還家○異苑云
宋文帝元嘉中高平黃秀入山經日遂化爲熊○
淮南子云牛哀病七日化而爲虎搏殺其兄○郡
國志云藤州夷人往往化羆羆小虎也有五指○
博物志云江漢有羆人能化爲虎○唐書云武后
時郴州左史因病化虎擒之乃止而虎毛生矣○

又憲宗元和二年商州役夫將化為虎眾以水沃之乃不果○顧微廣州記云滇陽縣俚民一兒年十五六牧牛牛日舐兒甚快舐處悉白俄兒病死殺牛以供客食此牛者男女二十餘人悉化為虎○隋書云文帝七年相州一桑門化為蛇繞樹自抽長二丈許○抱朴子云狐狼猴獾滿三百歲皆能變人參同契云燕雀不生鳳狐兔不字馬常理也

而有人產蟲獸神鬼怪形異物者何也豈其視聽言動觸于邪思隨形感應而然耶又有人生于卵

生于馬者何也豈有神異憑之或因有感遘而然

耶博物志云徐偃王之母產卵棄之孤獨老母取覆之出一兒後繼徐國○異說云漢末有馬生

人名曰馬異及人具四肢七竅常理也而荒裔之長亡入胡地

外有三首比肩飛頭垂尾之民此雖邊徼餘氣所
生同于鳥獸不可與吾同胞之民例論然亦異矣

山海經云三首國一身三首在崑崙東○爾雅云
北方有比肩民半體相合迭食而迭望○南方異
物志云嶺南溪峒中有飛頭蠻項有赤痕至夜以
耳爲翼飛去食蟲物將曉復還如故也搜神記載
吳將軍朱桓一婢頭能夜飛卽此種也○永昌志
云西南徼外有濮人生尾如龜長三四寸欲坐則
先穿地作孔若是故天地之造化無窮人物之變
誤折之便死也

化亦無窮賈誼賦所謂天地爲爐兮造化爲工陰
陽爲炭兮萬物爲銅合散消息兮安有常則千變
萬化兮未始有極忽然爲人兮何足控搏化爲異

物兮又何足患此亦言變化皆由于一氣也膚學之士豈可恃一隅之見而槩指古今六合無窮變化之事物爲迂怪耶

本草綱目人部第五十二卷終